

LISWAYO LA BUBELI



Ki manzibwana, balikani. Ha lu yemeñi kaufela fa nako nyana kwa tapelo, haiba mu kona.

² Ndata luna yakwa Lihalimu, lu kopani hape mwa puteho ye kenile yee, busihu cwana, mwa sebelezo ya Mulena. Mi Wena usepimize kuli kaufela ko ne lu ka kopanela hamoho, ka buñata bwa bababeli kamba babalalu baluna, kuli No ka ba mwahala luna. Mi lwa kona kusepa kuli Uteni mo, kakuli lu putehanezi mwa Libizo la Hae.

³ Cwale lwa lapela, Ndate, kuli—kuli U tahe busihu boo mi u mamulule Liswayo la Bubeli le kuluna. Mi sina—sina muloki ha naize, na ka tabela kutalima kwabuse bwa nako. Mi ona yeo kona takazo yaluna, Mulena, fela ki ku—fela ki kutalima mane kupunyeleza ni kubona ze li kwapili. Mi lu lapela kuli Ngunyana ye ne tabilwe, itahe mwahala luna cwale mi imamulule Liswayo, mi—mi i Li patulule ku luna, ili litaba ze lutokwa kubona.

⁴ Kuna ni babañwi mo, Mulena, baba si ka kena kale mwa kopano yetuna ya Krete yee. Lu lapela cwana, busihu boo, kuli ba be ni keto ya Kuyakuile yani, ba tale ka Moya wa Mulimu.

⁵ Haiba kuna ni ba bakula, Ndate, lu lapela kuli U ba folise. Kuna ni litaulo zeñata ze beilwe fa ze Ni beile mazoho aka ku zona, mwa kupuzo mukiti tuna wa—wa Bibebe, wa Muhalalehi Paulusi, kone bangile litaulo fa mubili wa hae ni masila. Mioya ye masila ne izwa mwa sicaba, mi ne ba foliswa.

⁶ Lu bona bukaufi bwa Kutaha kwa Mulena. Lu ziba kuli nako i se i sutelezi. Litaba ze likutezi hape kwa Keleke, kasamulaho wa myaha ye mianda ye naintini.

⁷ Cwale lu lapela, Ndate, kuli U alabe litaba ze lu kupa zee. Tiisa mutanga Hao, mi utuse batanga ba Hao kai ni kai, Mulena, mi sihulu luna baba putehanezi mo busihu cwana, kuli lukone ku amuhela Linzwi. Lu kupa ka Libizo la Jesu. Amen.

⁸ Kiniti ki hande fa kukutela mwa ndu ya Mulena hape busihu boo. Mi Ni ziba kuli buñata bwa mina muyemi, Ni—Ni swabile ka seo, kono haluna zelukona kueza hape. Lu—lu na ni—ni keleke fela sina . . . ku iekeza ko lukona kuba ni ba sili kamba foo, sili handeleteti kamba foo handeleti mwateni. Kono mwa mikopano yeipitezi ka nzila ye, cwana—cwana silwala nyangela yetuna.

⁹ Cwale, oh, Ni nani fela nako yende, ya kulapela, ni kubala ona—ona Maswayo aa. Ni sepa kuli ni mina kaufela, mu cwalo. [Kopano ili, “Amen.”—Mu.] Ni—Ni ziba hande kuli mu cwalo. Mi haiba Atalusa ku mina sina mo Ataluseza ku na, konakuli ki niti . . . muna ni nako yetabisa. Mi Ni bile ni . . .

¹⁰ Ni bata kubiza musizana mulikana ka, kasamulaho wa sebelezo. Mi le ki lizazi la kupepwa kwa hae. Una ni myaha ye twelufu ya kupepwa kacenu, Sarah, mwakane wa musizana. Mi kuzwa foo, hape, kamusomumu, Ni ka tokwa kubiza yomuñwi, kakuli ikaba lizazi la kupepwa kwa Becky.

¹¹ Mi cwale, busihu boo, lusweli kubala Liswayo la Bubeli le. Mi ka Maswayo amane a makalelo kuna ni bapahami babane ba lipizi. Mi Na mi bulelela, kacenu sesiñwi si ezahalile hape. Mi, Na—Na, ki sika se Ni . . . Ni ilo nga mane ku zeñozwi za kale zene Ninani, ze Ni kile na kutaza fateni, kale koo, mi na ina fela fafasi fani. Mi Na hupula nali, “Kihande, Ne—Ne ni ezize zende luli mo ne Ni konezi.” Mi bañoli babañata ni litaba zeñwi, mi Na hupula kuli, “Kihande, Ni ka bala fateni hape, ni kutalimisisa ni bone se ni *sani*.” Mi taba yapili mwa ziba, sesiñwi sa to ezahala fela, mi kaufela zona za shutana. Li tahanga fela ka kushutana. Mi se Ni byangula potoloto kapili, ni kukala kuñola kapili fela mo ne Ni konela, Yena inge asayemi fani.

¹² Oh, sesiñwi fela sa ezahala mwa licika fela la hola. Ne ni sweli kubulelela Muzwale Wood, ha ne lutaha, mizuzu nyana fela yefitile. Neli fela nto yeñwi, mwa ziba. Mwa ziba, kuna ni lika zeñata ze ezahala, ze mu sa koni kubulela, mwa ziba. Kono nto yeñwi fela yanga sibaka yene ni tusize hahulu.

¹³ Nina ni mulikani mo uteni kokuñwi mwa muyaho moo. Kakuli, mina kaufela mu balikani baka. Yoo—yoo ki Muzwale Lee Vayle. Ki muzwale yomunde, mane ki mwana sikolo wa niti wa Mañolo. Dr. Vayle ki wa Baptist yana ni Moya o Kenile. Mi yena ki . . . Ha ni buleli cwalo ka ku mu bubeka, Ni bulela fela kakuli Na lumela cwalo. Ni sepa kuli ki alimuñwi wa baba talifezi mubano kwa baituti ba litimana ku be Ni ziba, mwahala bahesu bo lu sebelisana ni bona. Mi u ni ñolezi fela ka pampili nyana fa, mi ne ka lumilwe ki Billy. Mi Billy mane na palezwi, kuni tiseza kona. Mi Na nahana . . . Ha ni si ka ka bala kukafeza, kono Ni ka bulela fela sa bulezi fa. Mi Ni ka balile fela, Muzwale Vayle, haiba uteni mo. Ne ni balile ze mwendi likweli zesilezi kwa mulaho.

¹⁴ “Ha ni zibi hande,” a bulela. “Muzwale Bill, Ha ni zibi hande, kono Ni lumela kuli Polycarp neli munituti wa Muhalalehi John.” Yeo ki niti. Nali yena. “Ni sepa kuli Irenaeus nali munituti wa—wa Polycarp.” Yeo ki niti, kiniti. “Irenaeus naize, ‘Jesu uka kuta—uka kuta muketwa wa mafelelezo wa Mubili wa Kreste ha sa keni.’”

¹⁵ Yani neli Irenaeus, mwendi ka myaha ye mianda yemine kwa . . . kasamulaho wa lifu la Kreste. Mi ali, “Lusika lwa mafelelezo lo haluka taha . . .” Cwale, mo ki mwa—mwa Katengo ka ba Pre-Nicaea. Mina balikani moo, baba balile pa—pa . . . palo ya Mañolo, ni kubala ma . . . Ni talusa, kubala litaba za kale za Bibe, muka fumana zeo mwa pre- . . . mwa Katengo kaba Pre-

Nicaea. Mi Ni sepa kuli ki buka yapili kamba buka yabubeli, muka—muka i fumana. Mi cwale, na li boni, myaha ya kale, mi ki hali, “Kwa mafelelezo, mafelelezo—mafelelezo alimuñwi ya ketilwe, yana ketilwe yani.”

16 Sicaba sinahana kuli keto ki nto fela yeswana sina—sina fela nto isili ye sa zo ndondoka fela cwanoñu. Mawi! Yeo ki ilinwi ya lituto za kale hahulu ze lunani: keto ni pizo. Mi kacwalo Irenaeus, kaniti, muituti ya swanela wa Mañolo, kamita na lumela mwa kuketiwa.

17 Mi kacwalo Irenaeus neli alimuñwi wa—wa mangeloi a lusika lwa keleke, sina ha luboni, mo lu balezi. Lwa lumela. Kakuli, cwale, kaufela zona neli fela likunutu. Liteni mo kaufela, kiniti, lipatilwe ona mwa Maswayo moo, mwa bona. Mi li lukela ku patululwa mwa lizazi la maungulo. Mo ne li kalezi ni Paulusi, ni—ni Irenaeus, ni Martin, ni babañwi cwalo, kushetumuka, mi litile cwalo mane ni lusika lwa maungulo.

18 Mi, cwale, lusepa cwale kuli Mulena uka lu fuyola mwa kuikataza kwa luna busihu boo. Cwale lu bile. . . Liswayo la Pili, Ne ni ikozi lona luli. Liswayo la Pili, limbuyoti ze ne tahile ni Lona, ku na!

19 Mi cwale Hani—Hani lati ku mi inisa nako yetelele hahulu. Kono, mwa bona, Ni—Ni ka be ni zwa cwale hape, mwa masihu fela alikani, ni kasamulaho fela wa kufeza ze. Mi lu lukela kuitiisa nyana. Mi Na itumela. . .

20 Ni bona Muzwale Junior Jackson ya yemi fani. Ni. . . Mi Ni hupula kuli Ni boni Muzwale Ruddle, nako nyana yefitile, mo kokuñwi. Ni mizwale yemiñwi yani, yeo likeleke zahesu i lumelelize kutaha, ni babañwi. Kaniti lwa itumela ka zona. Mi Ni bona Muzwale Hooper, Na lumela, ya yemi kwa limota koo, uzwa kwa Utica, keleke ya kwani. Mi luli lwa itumela kwa lituso za mina ku zee.

21 Cwale, maabani manzibwana, sina ha lu lata hahulu cwalo, ka kuluta za—za Maswayo, lu liluta ka sina mo mu ezeza mwa—mwa—mwa masika a likeleke. Mi ha lu yo feza kuluta za lusika lwa keleke, nako ya mafelelezo ha Ni li swanisa fa li—kwa fa katala, fa limati, ki ba bakai ba ba hupula zeo ha li ezahala? Ataha hande fafasi, aya kwa limota, mwa Liseli, ni ku li swanisa, yena Kasibili, ona fa limota fani, fapila luna kaufela. Lingeloi la Mulena la yema fa fapila mianda ya batu.

22 Mi cwale U—U sweli kueza nto yeñwi yeipitezi luli cwale, hape, mi kacwalo lu kulubela fela lika zetuna. Ha lu zibi. . . Mu tokwa fela kulibeleda yona—yona tibeleda tuna yani, fela halu zibangi ze ka ezahala nako yetatama, mwa ziba, fela—fela ki kulibeleda. Cwale, Mulimu mo a bezi yomutuna ku luna, ni mo libezi bunde! Kacwalo lwa itumela ku Yena!

23 Cwale, timana ya 1 ni ya 2, Ni ka I bala, kuli ilufe makalelo a ngambolo. Mi kona lu ka nga litimana za 3 ni 4, kwa Liswayo

la Bubeli. Mi he litimana za 5 ni 6 kona Liswayo la Bulalu. Mi litimana za 7 ni 8 ki. . . Litimana zepeli ku mupahami ufi ni ufi. Mi cwale Ni bata kuli mutokomele balikani ba. . . Fa pizi ye seta yee, mwendi. . . Ki yeo yataha, inze icinca fela hainze ishetumuka cwalo fafasi.

24 Mi cwale lona Liswayo lelituna, la mafelelezo lani ha li to mamululwa, haiba Mulimu alata, ki Sunda yetaha busihu! Kuli, nako ye liezahala, nekuna ni fela, taba fela ye ne ezahalile, “neli kukuza mwa Lihalimu ka licika la hola.” Mulimu lu tuse.

25 Cwale Ni ka bala timana ya 3 cwale.

Mi ngunyana ha i mamulula liswalo la bubeli, Na utwa sibupiwa sa bubeli ha si li, Taha uto bona.

Mi na bona pizi. . . (timana ya 4). . . ye soto: mi ya ipahami a fiwa mata a kuzwisa kozo mwa lifasi, . . . kuli batu ba bulayane. . . kuli batu ba bulayane: mi a fiwa lilumo lelituna.

26 Cwale, taba ya kunutu cwale, hane kuli—kuli Sibupiwa ha si bulelela Joani, “Taha u to bona.” Mi na si ka bona sene sili sona. Na boni fela sisupo. Mi sisupo sani, libaka le ne si. . . Na ize, “Taha, tobona,” kono a bona sisupo, sa na lukela ku tamahanya kwa keleke, ka mukwa o ne ba ka lemuha; mi ya taha kwa lusika lwa mafelelezo, mi kipeto Liswayo ne li ka kwaluha.

27 Cwale, mañi ni mañi mwa utwisisa zeo cwale, mwabona, Maswayo na ka mamululwa. Kana ha mu si ka taba kupila mwa lizazi lee? [Kopano ili, “Amen.”—Mu.] Kuli, mwabona, ha ki zeo fela, balikani, kono kamita muhupule cwale, Sunda yefelile kakusasana, fone ku tomilwe taba kaufela, neli buikokobezo! Mwabona? Buishuwi, buikokobezo, liezahalanga fela kuli mane batu ha ba zibangi mi baitamaela fela mi ba sa zibi kuli Li ezahalile.

28 Mi, muhupule, lu libelezi Kutaha kwa Mulena, ka nako kaufela. Mi cwale ha se lu. . . Ne ni bulezi manzwi a kuli, ne Ni ize Kuungelwa kukaba ka nzila yeswana. Ku ka ezahala, kufela, mi hakuna ya ka ziba sesiñwi ka zona. Li ka ezahala fela ona cwalo. Mwabona? Mi hañata. . . Ka kukutela fela mwa Bibe ni kotalima mo li ezahalezi cwalo. Mwabona?

29 Mane neba taba yetuna sina kutaha kwa Mulena Jesu, hakuna mutu ya na zibile sika ka zona. Neba hupula kuli, “Muika wa tumelo, yani.” Likeleke ne li bulela kuli, “Neli mufitelezi fela wa tumelo. Luna. . . Yena luli utakani.” Bali, “Ki sipulumuki sa muuna.” “Lu ziba kuli wa pulumuka.” *Kupulumuka* kotalusa “kulyangana.” “Lu ziba kuli una ni dimona, mi i ku lyanganisize. Mi wena ulike kuluta luna? Kanti, mane ha upepwa kwani, mwa bunyazi. Luna. . . No pepezwi mwa boozwa. U like kuluta baana sina ka luna, baprisita, ni babañwi cwalo, za tempele?” Kihande, mawi, leo neli litapa kubona.

³⁰ Kanti Joani ha taha, na bulezwi, mwahala masika, kuzwa ku Isaya kupunya ku Malaki. Yeo ki myaha ye mashumi a twelufu. . . kamba sebene handeleti myaha, na bonwi ki bapolofita, kuli na taha. Mañi ni mañi na mu libelela kuli wa taha, ku kulubela ka nako kaufela. Kono mwa na tezi, akutaza ni kueza sebelezo ya hae, mi aikela kwa Kanya.

³¹ Mi neba baapositola ne ba si ka ziba, kakuli ne ba Mu buza. Se bali, “Cwale, haiba—haiba Mwana mutu uya kwa Jerusalema, litaba ze kaufela, kuli ato talekwa,” bali, “ki kabakalañi Mañolo ha bulela kuli ‘Elia u swanezi kutaha pili?’”

³² Jesu naize kuli, “U tile kale, kono ha mu si ka mulemuha. Mi aeza ona cwalo hande kuya ka Mañolo sa na bulezi kuli ki sa ka eza. Mi baeza ku yena ze ne ñozwi.” Mwabona? Mi ne ba si ka utwisisa. Ki hali, “Ne li Joani.”

Mi, he, “Oh!” Mwabona, kiha—kiha ba lemuha, zene ambolwa. Miba. . .

³³ Mi cwale, mane, kwa mafelelezo, lika kamukana za Na—Na ezize, ni lisupo za Na ba bonisize, mane aba biza. Ali, “Ki mañi wa mina yakona ku Ni nyaza bakeñisa sibi, ku salumela? Haiba ha Ni si ka eza fela Mañolo sa bulezi kuli ofisi ya Ka kona se i ka eza ha Ni taha mwa lifasi, konakuli mu Ni bonise fo Ni ezelize sibi. Mwabona? Mi Nika—Nika mi bonisa mo mu lukela kubela, mi lubone haiba mwa lumela, kamba nee.” Mwabona? Na ka taha ni kubulela kuli, “Ne mu lukela kulumela ku Ni lumela ha Ni taha.” Ne ba si ka eza cwalo, mwabona, kona kuli ne ba ziba mane kufita ze ne ba Mu tama ka zona, fani. Kono A li, “Ki mañi wa mina yakona ku Ni tameleza ku salumela? Mwabona? Kikuli ha Ni si ka eza fela ze ne tokwahala?”

³⁴ Mi mane neba baapositola, ba zamaelela hamoho, ne ba sitatala. Lu ziba hande Mañolo mwa zamaela. Mi mafelelezo, kwa nalulelule, se bali, “Cwale lwa lumela. Lu lumela kuli hakuna mutu yalukela ku Ku bulelela, kakuli U ziba linto kamukana.”

³⁵ Cwale, Ne ni ka tabela kubona sifateho sa Hae. Hakulata na ba talimile, ni kubulela kuli, “Kihande, kana cwale mwa lumela? Kona li yomiwela cwale.” Kihande, ne li sa lukeli kuba cwalo, mwendi, kufitela nako yeo, mwa bona. Mi Mulimu ubeleka lika kaufela hande, mwa ziba. Na—Na Mu lata ka zeo.

³⁶ Kono cwale lunahana za lusika lwa luna cwale. Kakuli, ha Ni ka kala kuambola ka zeo, haluna kukena mwa Maswayo aa, ni hanyinyani.

³⁷ Mi cwale, muhupule, Ni amuhela hahulu likupo zeñata za litapelo za bakuli. Mi Ni lapelela ba. . . nako kaufela, kupo ifi kaufela ye Ni nani, ni litaulo ni lika zeñwi. Mi haiba lufeza Maswayo aa, ku yo fita kwa Liswayo la mafelelezo, la Sunda kakusasana luka. . . Haiba ikaba tato ya Mulena, lu ka tabela fela kuba ni sebelezo ya foliso yende ya mufuta wa kale mo,

mwa ziba, ko mukona kunga kakusasana kaufela ni kulapelela bakuli. Mi Ni—Ni ziba hande kuli ikaba mukopano o ipitezi luli omunca. Mwabona? Ni na ni fela maikuto a cwalo, mwa bona. Mi kacwalo, haki amanca, kono likona kuba zenca nyana ku babañwi, mwabona, ze Ni talusa.

³⁸ Cwale, sishemo sa Mulimu kwa butuna, kuli sipatulule likunutu za Hae ku luna mwa lizazi lee! Cwale, luna kaufela luka lumela kuli lupila mwa lizazi la mafelelezo. Lwa lumela cwalo. Mi muhupule, likunutu ne li lukela kupatululwa mwa lizazi la maungulo. Mi kana Upatulula cwani Linzwi la Hae, likunutu za Hae? Bibe i bulezi. Kikuli mutabela kubala sa Fa na li bulelezi? Ha lu apuleñi mi lubone mo Apatululela likunutu za Hae.

³⁹ Cwale Ni bata kuli mubale Amosi. Muapule mwa Buka ya Amosi, mi Ni bata kuli mubale mwa kauhanyo ya 3 ya Amosi, ni timana ya 7. Ku lukile. Ni ka bala ni timana ya 6, hape.

Tolombita ha i liziwa . . . mwa munzi kikuli batu ha ba sabi kaufela bona? mi cwale ziyezi ika taha mwa munzi isika tahiswa ki MULENA?

Luli Mulena . . . ha na kueza sesiñwi, asika sebela mulelo wa hae kwa batanga ba hae baplofita.

⁴⁰ Cwale, mwa mazazi a maungulo, kiluna baa . . . Li bulezwi kale ku luna kuli kuka taha mu—mu muplofita.

⁴¹ Cwale, lu ziba kuli lubile ni mifuta kaufela. Cwale, Na ziba, hamulaho wa katalima kwa ni kwa busihu cwana, Ni—Ni bulela mo mokuna ni baituti, mi Ni—Ni katabela kuli mu ni utwisise. Mi mu lemuhe, matepu aa akwahela lifasi loote, mwabona, kufita fela lifasi loote. Mi ha Ni tokwi kuli, neba hanyinyani shangwe, kuli munahane kuli Ni lika kubeya mwateni lika mufuta omuñwi wa—wa bulapeli bwa likubo za Elia kamba masila. Ni kamukana—kamukana a litaza zeo, lubile ni zeñata za zona. Kono, mwa ziba, lika zeo kaufela ki zetaha fela ka kutwaleta taba yaluli ye na ni kutaha, kuli iyumbele sicaba koo.

⁴² Kana hamuzibi kuli lubile ni baeteleli ba—ba buhata babatile, bomesia ba mahata, Kreste asika taha kale? Hanili, hanili kana . . . Muluti wa lizazi lani, yena muluti yomutuna yani, Gamaliele, fani pi—pu puzo haitaha ka za kunata baana ba, ni zeñwi cwalo, ba ize, “Ha mu ba tuhele fela. Haiba ki za Mulimu, kupalañi, mu ka ipumana inge mulwanisa Mulimu. Kono haiba ha ki za Mulimu. . .” Bali, “Hanili muuna yomuñwi natile, ha ki kale hahulu, ni kuisa baba mianda yemine mwa lihalaupa ni babañwi cwalo? Luna ni lika zeo.” Neli sikamañi sani? Kaufela ne li twaleta fela Taba tenyene ha I taha.

⁴³ Cwale, mwabona, Satani ki yena yatisa litaba zeo. Mubone butali bwa mutu yo luambola za hae fa, Satani, fo lusweli ku mu patulula cwale fa; lusweli fela ku mutubula, ka Mañolo, ni ku mi lumeleza kubona yoo ali yena. Zeo kona ze . . . lukela kuezahala.

44 Mi, mwa hupula, ulikile kukenka mwahali ni kuba muongaongi, Satani hasika cwalo. Yena ki antireste. “Fa kauifi luli, kuli,” Jesu naize, “ba ka puma nibona ba Baketilwe. . .” Mi Bao kona baba patilwe mwa Maswayo aa, bee mabizo abona abeilwe mwa Buka kuzwa hakutomwa mutomo wa lifasi.

45 Yena ki mucaha ya butali. Mi ha bona taba ye itaha, ha i taha cwalo, kipeto u yumbela lika kaufela zakona kwande, kuli ailyanganise isika fita kale kwani. Kana mwa ziba kuli ku kataha bokreste ba buhata mwa mazazi a maungulo? Li lukela kutaha mwa mulaho wa se, kasamulaho wa Liñusa lelituna le la ka bulela muzwalr yoo, bao luli ba ka taha, ba tozizwe ka moya wa Elia, kapili.

46 Mi ba ka mu mbwinja. Babañwi babona ba ka nahana kuli kiyena Mesia. Kono uka tundamena kubulela kuli, “Awa.” Kakuli, u lukela kutaha sina Joani.

47 Mwa nako ya Joani Mukolobezi, ha nailo kutaza, ne baize ku yena, “Kikuli ki wena Mesia? Ki wena Yena nji?”

48 Ki hali, “Haki na. Hani koni neba kutumulula kwele ya likatulo za Hae. Kono Na—Na ni mi kolobeza fela ka mezi, kono Yena uka kolobeza ka Moya o Kenile.” Mi Joani na ziba hande luli kuli Nali mwa lifasi, ki hali, “Uteni mwahala mina, kokuñwi, cwale.”

49 Kono na sa zibi Mu zibi kufitela abona sisupo sani ha si taha fahalimwa Hae. Mi, ha na boni Liseli lani litaha fafasi ni kulula sina liina, ni ku to monyeha fahalimwa Hae, ki hali, “Ki Yani fani. Yani ki Yena.” Kono Joani ki yena fela anosi yana Li boni, mwa ziba. Joani neli fela anosi yana utwile Linzwi. Baba siyezi kaufela kwani, hakuna ni yomukana yana Li utwile.

50 Kono he mutanga, wa niti ha taha; ni malikanyiso kaufela kuzona, ki kufilikanya minahano ya sicaba. Satani uezanga ona cwalo. Mi ba ba sa koni kulemuha bunde kwa bumaswe, ba ka sitatala ka zona. Kono Baketwa habana kuezwa cwalo; Bibele ibulezi kuli haana kukona kupuma Baketwa. Mi cwale, Kutaha kwa Kreste ku si kaba kale, Bibele ibulezi kuli, “Ku ka taha bokreste babuhata, mi baka ipapata kuba yena Kreste, ni kubulela kuli, ‘Amubone, sicaba sibulela kuli Umwa lihalaupa.’ Musike mwa li lumela. ‘Amubone, Umwa muzuzu wa ndu.’ Mu si ke mwa lumela.”

51 “Kakuli sina lizazi ha li monyeha kukala kwa upa kuisa kwa wiko, Kutaha kwa Mwana mutu ku kaba ona cwalo.” Mwabona? Eeni, Uka—Uka—Uka bonahala, mi ibaka taba ya batu kamukana. Mi cwale seo sikaba, cwale, eeni sha, ha ba ka lemuha kuli kuna ni ze ezahalile, mwa bona, mi ba ka. . . Cwale, muhupule, zeo likanga sibaka kapili kasamulaho wa Keleke iya kwa Hae, kasamulaho wa Kuungelwa.

52 Cwale ku kaba malikanyiso a buhata, ka nako kaufela, mi ha lubati kutamahana mwa lika kaufela ze cwalo. Batili, sha.

53 Mi Na lumela, mutu ha taha, yena ya sepisizwe kutaha yoo, Ni libonisa fela ka Mañolo, kuli mutu ya swanela kuba mupolofita. Ukabba yena luli. Mi sinulo ya Mulimu, kakuli Mulimu. . . Linzwi la Mulena litahanga kwa bapolofita ba Hae. Yeo luli ki niti. Zeo mane. . . Mulimu hakoni ku cinca, mwa bona. Haiba Nana ni mulao omunde, Na ka—Na ka i tusisa ona. Kono Una—Una ni. . . Na ketile mulao omunde hahulu kwa simuluho.

54 Kuswana fela inge, Na ka keta kuli lizazi li kutaze Evangeli. Na ka keta kweli. Na ka ba ni kuketa—kuketa moya. Kono A keta mutu. Mi Na si ka keta likwata. Ki mutu anosi! Mwabona?

55 Mi hakubangi bapolofita bababeli babatuna mwa lifasi ka nako yeswana. Mwabona, mutu kaufela wa shuutana, una ni sibupeho se si shutani. Haiba Mulimu nakaba ni mutu, kona fela za Na ni kuba ni zona, abe mwa lizoho la Hae, Wakona kueza kaufela Za bata. U swanela fela kuba ni alimuñwi. Mwa mazazi a Nuwe; mazazi a Elia; mazazi a Mushe.

56 Babañata ne ba yemi, mwa nako ya Mushe. Mwa ziba mo ne ba ezelize, ni mo ne ba batela kubulelela, “Kihande, ha ki wena unosi fela ya kenile mwa kopano,” mi—mi Datani ni—ni Korah.

57 Mi Mulimu ali, “Aku ikambuse kwateni. Ni ka kwalula fela mubu mi lifasi liba mize.” Mwa bona? Mi—mi kacwalo. . .

58 Mi cwale sicaba sa kala kubilaela. Mi ali, “Nika—Nika nga fela sikwata kamukana ni ba yundise.”

59 Mi fani Mushe anga sibaka sa Kreste, mi, ainepela mwa pakani, ni kubulela kuli, “Usike wa eza cwalo, Mulena.” Mwabona? Mi, kakuli, yena. . . Kasamulaho amano keta Mushe kueza seo, Na si ka hanela Mushe, kakuli nasweli kueza sina Kreste mwa nako yani. Neli Kreste ku Mushe. Kaniti.

60 Cwale, lu tabile hahulu kacenu kuli Mulimu usweli Kuipatulula kuluna. Mi Ni lumela kuli Lizazi lelituna li se likala kuba swalala, la pazula. Maseli akala ku monyeha. Linyunywani za paradaisi likalile kuopela mwa lipilu za balumeli. Ba ziba kuli hakusana tiyeho cwale. Sesiñwi si ka ezahala, kupale kumane. Kacwalo “Haiba ha sa ezi sika. . .”

61 Cwale, Mañolo kaufela a susumelizwe. Mañolo alukela fela kuba a Niti. Hakuna buinyazo ku zeo. Foo kona fo Ni shutanela ni balikani baka, ba keleke ya Katolika. Ni lumela kuli Ne li si ka ñolwa ka mutu fela. Ni lumela kuli Ne ba zamaiswa ka Moya o Kenile. Mi ona lika zelikani ze ekelizwe kwateni, mulika kuekeza ku Zona; kana mu lemuhile, mwahala lituso, mañi ni mañi na lelekezwi kwande.

62 Mi ona Mañolo a niti, a zamaelela hande aa, le ni leliñwi, kufitela mane—mane hakuna kuitwanisa mwahala ona, hakuna neba fokukana. Amubonise siemba silisiñwi sa buka yekona ku—yekona kuñola timana, mane, kusina ku ikananisa yona iñi, kamba kuñola—kuñola timana, kamba zepeli. Mi Bibeke kanti

ha i Ikananisi ili yona, kai kamba kai. Ni utwile muhanyezi yomuñwi yana bulezi cwalo, kono Ni mufile musebezi kale mane sekufitile nako, kuli ani bonise kolifumaneha zeo. Haliyo mwateni mane. Fela ki mukwa wa kuli munahano wa mutu u lyanhani. Mulimu ha si ka lyangana. Na ziba Zasweli kueza. Wa ziba.

63 Amutalime, haiba Mulimu uka atula lifasi ka keleke, sina keleke ya Katolika mo i bulelela kuli ki yona, ku lukile, konakuli ki keleke ifi cwale? Mutalime fela likeleke zelunani. Luna ni ze mianda ye ketalizoho ni yemine zeshutani, likeleke za kuongaonga. Cwale haki. . . Ye iluta ka nzila *ye*, mi yeñwi ka nzila *yani*. Haki mufilifili ni wo, mihe, mañi ni mañi kaufela ueza mwa latela, muzwelapili fela ona cwalo. Mulimu ulukela kuba ni mayemo, mi leo kona Linzwi la Hae.

64 Kubulela. . . Ha lu buleli kunyaza Katolika, cwale, kakuli ba—ba Baipanguli ni bona bamaswe fela. Kono ha ne ni ambola ni muprisita, ki hali, “Bo. Branham,” ki hali, “Mulimu u mwa keleke ya Hae.”

65 Se nili, “Muñaka, Mulimu u mwa Linzwi la Hae. Mi Yena ki yena Linzwi.” Eeni, sha.

Ki hali, “Kihande, U mwa. . . Keleke ha i palelwi.”

66 Se nili, “Ha buleli cwalo. Kono Na bulezi kuli Linzwi kona le li sa palelwi.”

67 Ki hali, “Kihande, ne lu lutanga kuli kolobezo i cwalo, ni zeñwi cwalo.”

Se nili, “Lili?”

Ali, “Kwa mulaho mwa mazazi a makalelo.”

Se nili, “Kikuli u lumeleza zeo kuba mwa keleke ya Katolika?”

Ki hali, “Eeni.”

68 Se nili, “Konakuli, Ni wa Katolika kanti, Katolika ya mufuta wakale. Ni lumela mwa nzila ya kale. Mina mitangana kacenu mu lyanganisize Lika hahulu, mane hakusana ze mukona kuluta hande mwa Mañolo. Milapelo ni basali ni batu ba bashwile, ni lika zeñwi ze kaufela, mi, oh, mawi, kusaca nama, ni, oh, ha Ni sa ziba zeñwi hape, mwabona.” Se nili, “Ni fumanele taba yeo mwa Mañolo lubone.”

69 Ki hali, “Ha i lukeli kuba mwateni. Haibile fela keleke ibulela ona cwalo, kufelile. Hakuna shutano yeliteni kamba Ibulela cwani, ki keleke.”

70 Se nili, “Bibele ibulezi kuli, ‘Mutu kaufela ya ka ekeza linzwi ku Lona, kamba kuzwisa Lililiñwi kwateni, siemba sa hae si ka zwiswa mwa Buka ya Bupilo.’ Kacwalo, ki Linzwi! Ni lumela Linzwi.”

71 Cwale, mi, he, haiba Amosi wa bulela, mi ni Mañolo amañwi alumelelana ni zona, kuli haiba . . .

72 Mi mwa hupula, fa taba ye, lusweli fela kunata fa litaba zetuna za Yona. Fela, mawi, haiba . . . Ha Ni kenanga mwa muzuzu wani mwani, mi—mi ni Tozo yani itahe, haiba Ni kona kuñola sa Ni . . . ze ezahalanga kaufela, Ne ni kaba mo ka likweli zetalu fa Liswayo lililiñwi la ona. Konakuli ki kunguba fela libaka zeñwi ni ku Li siya kihona, kunga fela zebonahala kuli halina ku filikanya sicaba. Kono, ibo, ze sa koni ku ba nyemisa, kono fela ili kuli, ha ba lumela, ne lina—ne lika otolola litaba. Mwa ziba ze Ni talusa.

73 Cwale, mutalime se cwale, haiba “Mulimu hakuna sa ezanga,” kwa bulela Amosi, “konji pili Ali sebele batanga ba Hae.” Mi, kutuha foo, lubona Sa sweli kueza. I lukela kuba kuli Usweli kueza nto yeñwi, Za sweli kupatulula cwale. Mulimui ubata kuzamaya kutaha mwa sibaka, mwa katulo, Na lumela. U bata kueza nto yeñwi. Mi nto yeñwi hape, ya pakiwa kaniti, lu mwa mazazi a maungulo. Lu kwa mafelelezo a lusika, Lusika lwa Keleke ya Laodesia cwale, kakuli litaba ze ne li lukela kupatululwa mwa lizazi la maungulo.

74 Cwale, mu nahane fela zeo cwale. Fela halu—halu cimbeneni fela mwateni se lu lumela kuli Moya o Kenile ubata kuli luzibe.

75 Cwale muhupule, “Hakuna ze lukela kupatululwa; Mulimu hakuna za ka eza, nihanyinyani, konji pili A li patululele batanga ba Hae, bona bapolofita.” Mi Asika eza kale sika, Wa sipatululanga. Mi Ha si patuluzi, mwakona kuhupula se, kipeto sesiñwi si mwa nzila. Mwabona, sa patululwa.

76 Mi litaba ze luambola zee ne li lukela kupatululwa mwa lizazi la maungulo, Tolombita isika lila kale, kwa mafelelezo a Liñusa la lusika lwa keleke ya mafelelezo. Yeo ki niti. Haiba mubata kubala seo cwale, mwakona kuapula mwa . . . Mina, Ni mi bonisize fela yona, maabani busihu, linako zetalu, Sinulo 10:1-7, mwabona. “Mi mwa mazazi e li ka utwahalisa Liñusa la lingeloi la busebene, kunutu ya Mulimu ika petahala ni kufeliswa.” Mi kuna ni fela nto iliñwi ye siyezi. Buka yeswailwe ha sebene ha se i kwaluhile, kipeto kunutu kamukana ya Mulimu . . .

77 Kiñi, lu alungutile ku Zona, mwahala myaha. Mi kuya ka Mañolo, kipeto, luna . . . Nekusina mukwa wa ku Li utwisisa kufitela lizazi lee, kakuli Libile lipatilwe. Luboni sisupo, mo ne Li taluseza, kono ne Li sa patululi hande kufitela lizazi la mafelelezo lee. Mwabona? Cwale, he, lu lukela kubateni, kwa—kwa nako ya maungulo.

78 Cwale, muhupule. Musike . . . Mi musike mwa libala cwale, kuli, “Hakuna za ezanga konji A li patulule pili.” Mi musike mwa libala, hape, kuli U liezanga ka nzila, ya kuli, “Ba babutali ni ba ngana ba li mbwinja.” Cwale, haiba mubata kuñola yeo, ki Mateu

11:25-26. Mi, muhupule, “Hakuna za ezanga konji A si patulule.” Mi U li patulula ka nzila ya kuli baba butali, batu baba itutile. Muhupule, neli butali bo lifasi ne li latile kufita Linzwi, sibi sa makalelo ha si eza ze ne si ezize. Musike mwa libala zeo cwale. Oh, mo lu lukela kubela baba itumela, ka kunahana zeo!

⁷⁹ Cwale amutalime fela lika ze ezahalanga! Mutalime lika za Na lu bulelezi! Mutalime mo mwa tabernakele, mina sicaba baba hulile ni luna mo. Cwale Ni ka kupa matepu. . . Kihande, muzwelepili, mu litepiñe. Kono, mutalime, Ni ka bulela fela se kwa sicaba sa tabernakele, mina bababile moo. Ni laela ufi wa mina kaufela ka Libizo la Mulena Jesu, kuli mukone kusupa munwana fa taba iliñwi, mwa litaba ze mianda anda ze bulezwi li si ka ezahala kale, mi mu bulele kuli ha li si ka ezahala fateni. Mu ni bulelele nako iliñwi, kuli fa katala, kwande ko, kamba neli kai kaufela, fo Akile abulela sika kaufela se ne si si ka luka ka swanelo yateni. Cwani? Kana ngana ya butu yakona kuba cwalo? Batili kutokwa.

⁸⁰ Nako ya Na bonahalile kwani kwa nuka, myaha ye mashumi amalalu ni zetalu kwa mulaho ha lu kafita mwa Mbuwana yetaha ye, mwa mufuta wa Liseli! Mina ba kale mwa hupula kuli Ne ni mi bulelezi, kuzwa kwa bushimani bwaka, za Linzwi lani ni Liseli. Mi sicaba ne si nahana kuli, ki kulyangana fela nyana mwa toho. Kakuli, Nina ne ni ka nahana lika zeswana, kambe yomuñwi na ka bulela zeo. Kono cwale ha mu lukeli kubilaelaka Zona cwale. Mi Keleke ha i si ka lyangana kuzwa ka 1933, kwa nuka yani zazi lani, kone Ni kolobeza mianda anda ya batu!

⁸¹ Na hupula mushimani Marra mulikani yana ni bulelezi, kuli, “Uka minisa sicaba sani, Billy?” Jim Marra yomunyinyani kwanu, Ni sepa sa shwile cwale. Ni sepa na i lo bulaelwa koo; musali cwana na mu kunupile. Kono a—a ni buza ali, “U ka minisa sicaba sani?”

⁸² Se nili, “Batili, sha. Ni ka ba kolobeza ka Libizo la Mulena luna Jesu.”

⁸³ Mi nekuna ni musali ya na zamaya hamoho ni sikwata. A bulelela musali yomuñwi, ki hali. . . a bulela, manzwi nyana ka zona. Ki hali, “Kihande, Hanina taba ka ku miniswa.” Ali, “Zeo li lukile. Hanina taba.”

⁸⁴ Se nili, “Kuta u yo baka. Ha u swaneli ku kolobezwa ka Libizo la Jesu Kreste.” Mwabona?

⁸⁵ Se ha ki sika sa kubapalisa. Ki Evangeli ya Kreste, ye patuluzwi ka tumo, ya Linzwi. Fela, cwale, haiba u bulela kuli, “Bwanganu ni bukuba,” no ka libeya fela kusili. Kono, muhupule, ku sepisizwe mwa Linzwi kuli zeo lika ezahala, mi ona cwalo fela mo likabela. Mi ki ze faa.

⁸⁶ Mi, kulo kwani zazi lani, ha ne ba yemi kwa nuka! Mi Lingeloi la Mulena, le Ni mi bulelezi kuli ne li bonahala inge—inge naleli kamba nto yeñwi fahule nyana, mi Ha li sutelela, ne

ni mi bulelezi Liseli wa emerodi mo ne libonahalezi. Mi ki Leo la taha, kutulula fa nuka fo ne Ni kolobeleza.

⁸⁷ Kanti, baana ba pisinisi mo mwa muleneñi, hane bali, “Sani ne si talusa sikamañi?”

⁸⁸ Se nili, “Sani ne si sa ka. Sani ne li sa mina. Na lumela. Mwabona? Sani neli kabakala mina, kona Mulimu ha ezize cwalo, ku mi konisa kulemuha kuli Ni mi bulelela Niti.” Ka kuba mwanana, mushimani, cwalo, mwendi wa myaha ye twenti-wani ya kupepwa, neba—neba si ka ni kolwa, mwa bona, kakuli zeo ki zetuna hahulu ku mwanana. Mi Ne ni nahana . . .

⁸⁹ Muzwale Roberson fa, alimuñwi wa basepahali baluna, Ni muboni mo mizuzu yelikani yefitile. Na sweli kuni bulelela zazi leliñwi za kuba mwa Houston siswaniso sani ha si swaniswa, se mubona seo. Mi Ne li . . . Mwa kangisano yani, Ne ni kalile kubulela manzwi a mañwi ka zona, busihu bobuñwi. Muzwale Roy neli yena anosi . . . ni muuna alimuñwi fela, ki yena fela mutu mwa sicaba yana nani rekoda. Neli iliñwi ya marekoda ani akale a mawayo. Na bona Muzwale Roberson cwale, ni musala hae. Kacwalo, mi—mi yoo, Musala. Roberson na kula.

⁹⁰ Muzwale Roberson neli lisole. Mi mahutu a hae na kunupilwe, mi ba mu lobaza inge ya shwile. Nali musole mwa—mwa bu Licimende. Mi German 88 ya nata fa mungomo wa na zamaya ni ona, mi wa mu bulaya fela muuna wateni, ni ku mu aba mwa liemba-emba. Ba mu lobaza fande, inge ya shwile, fa nako yetelele. Mi ba bulelela kuli hana kuzamaya fateni, kakuli mahutu amabeli kaufela na holofezi, misinga ya ona lika zeñwi. Mawi, mane sakona ku zamaya ku ni siya.

⁹¹ Kono neli sikamañi seo? Kuna ni sa na boni, mi aya kwa Houston. Mi nasweli ku ni bulelela za musala hae. Mi una ni—una ni waya; una ni kutama kwa matepu. Mi kasumulaho wa kufela kwa lisebelezo mo, kihande, uka mi lizeza yona kaufela mina, Na sepa. Mi fa tepu ya kale ya waya uani, una ni lisebelezo zaka mwa Houston. Mi cwale musala hae, na ize, una ni zona kwani, mi na si ka li lemuha konji maloba nyana.

⁹² Na li, oh, na ikutwa hahulu kuswaba. Na kulile maswe, mi na bata kukena mwa mukoloko wa litapelo. Ne ba sa ni zibi, mi Ne ni si ka ba bona kale fateni mwa bupilo bwaka. Kacwalo na inzi fa—fa lihaulo zazi lani, inza talimezi fande, mi kutokwa sepo, mwa ziba, ni kufilikana, mi na lakaza kuli afiwe kadi ya tapelo, kuli akene mwa mukoloko.

⁹³ Mi, kwa ezahala kuli, busihu bwani akena mwa mukoloko, kamba neli busihu bo ne butatami, kamba nto yecwalo. Na lumela, neli busihu bobuswana. Mi ki ha kena mwa mukoloko. Mi ha yo fita fa katala, Moya o Kenile wa mu bulelela, kuli, “Cwale, ha u zwi kwanu. U zwelela kwa muleneñi obizwa New Albany.” Mi wali, “No inzi fa lihaulo kacenu, inge utalimezi

fande, no bilaezi hahulu za kuba ni kadi ya tapelo.” Ki zeo foo, fa tepu, myaha ya kwa mulaho.

⁹⁴ Mi cwale kwa makalelo a mukopano, Moya o Kenile ha u to tuluka. . . Wani neli mukopano wa makalelo. Neluna ni fela batu mwendi baba sili sauzande, mi se luba eiti sauzande, mi seluba mwendi seti sauzande. Kacwalo he mwa. . . Ha Ne ni sweli kubulela kwa. . . Ulimuñwi wa mikopano ya makalelo, Se nili, “Ha ni zibi ze Ni bulelisa cwana.” Cwale, liteni fa matepu. “Kono, ki, luna ni. . . Ye ikaba iliñwi ya zende zetabisa mwa linako zaka. Kuna ni se sika ezahala mwa mukopano wo, se si kabaka sesituna kufita za kile abona fateni mutu.”

⁹⁵ Mi neli fela mwendi eiti kamba naini, masihu a lishumi kuzwa fani, fani Lingeloi la Mulena ha li to bonahala fapila sicaba se si kuma fa seti sauzande, ni kushetumuka, mi siswaniso sa swaniswa. Ki Sani fani, ona fa cwale, mane si bulukilwe ni mwa Washington, DC, kakuba fela Sibupeho sinosi sa buipiteli se si kile sa swaniswa fateni mwa lifasi.

⁹⁶ Mi Na bulela ka za, mwa ziba, kubulela kuli nako yeñwi, mwatasa temuho, kuli, “Mutu u apesizwe ki muluti wa lifu. Kuna ni lilu lelinsu, la muluti. U fa kaufi ni kushwa.”

⁹⁷ Mi cwale ona kwanu kwa East Pines, kamba Southern Pines, Na lumela ki yona, hane Ni li fela kwa mukopano wa mafelelezo. Kalibe wa mwanana yana inzi kwani, Sesiñwi sa mubulelela kuli, “Napula siswaniso seo, kapili akufa,” hane Ni ambola ku kalibe. Mi ki sani fani. Ni sepa kuli likaba fa limati la lizibiso; libile teñi, fa nako nyana. Ki wani muluti omunsu wani o nyendaela fahalimwa toho ya kalibe.

⁹⁸ Ba napula siswaniso sesiñwi, Moya o Kenile ha u to zibisa cwalo. Ne si ile. Wali, “Uka foliswa. Mulena u ku folisize. Kansa i zwile.” Mi ki sani fani. Mi a foliswa. Mwabona? Ki fo he cwale. Mwabona?

⁹⁹ Libonisa fela kuli Mulimu u ziba nako ya lizazi lateni. Luna ha lu zibi. Lu lukela fela ku Mu utwela.

¹⁰⁰ Cwale lwakona fela kuzwelapili inge lubulela, kono ha lushetumukeni cwale, fa muzuzu fela, ni kuswala Liswayo le hape, kuli lukone kutamahanya le hamoho ku Lona. Cwale, ka kutalima fela sinca, ka linako zel- . . . linako fela zelikani, ki—ki yeñwi, Liswayo la Pili.

¹⁰¹ Lu lemuha kuli, mwa kumamulula kwa Liswayo la Pili, Satani una ni—ni mutu, ya ipitezi wa bulapeli. Kikuli mulemuhile mupahami wa pizi yesweu yani? Yoo, bona, na hupulwa kuli neli. . . Keleke yapili ye ne zwile inze iya; kono, oh, mawi, zeo li lutilwe mwahala myaha, kono haikoni kuba cwalo. Mutalime fela babañwi ba bona, halukaba ni zona kaufela hamoho, kipeto mutalime fo lifumaneha, mwabona. Cwale, mi ha Ni zibi kuli zeñwi zateni likaba cwani, ka nako ye pili. Kono Ni ziba kuli lina ni kutaha fela ka kupetahala mwateni, kakuli

ki Niti. Ki Niti. Neli mundandwe wa litulo za keleke ya Rome, ona cwalo.

¹⁰² Batu ba banahana kuli Majuda kona bo antikreste, kantini bazwile mwa nzila ka limaili ze milioni kafoo. Musike mwa be munahana kuli Majuda kona antikreste. Meto a bona na fofalizwe, ka mulelo, kuli luna lube ni kolo ya kukena mwateni, ku lufa nako ya kubaka.

¹⁰³ Kono antikreste ki wa Bamacaba. Kiniti. Ki mulikanyisi fela wa Niti; *anti*, “kulwanisa.” Cwale, yena muuna yomutuna muika yoo, oh, mwa na bezi muuna yomutuna, mi—mi kwa mafelelezo afiwa kuwani ya bulena. Mi he, kasamulaho wa kufiwa bulena, afiwa kuwani ya bulena. Mi cwale, yena, kasamulaho wa fani, akubamelwa mwa sibaka sa Mulimu.

¹⁰⁴ Cwale, mutalime, zeo li si ka taha kale. Ni bata ku mi buza nto yeñwi. Yani neli mañi? Yani ku Paulusi neli mañi, mwa Matesalonika Babubeli 2:3, yana bulezi kuli muuna ya ka taha yani? Kucwani kuli muuna yani ha na talimile mwahala masika na li boni? Na li mupolofita wa Mulimu. Kiniti. Kiñi haneli . . .

¹⁰⁵ Naize kuli, “Moya ubulela kusina kupata, kuli mwa linako za kwapili ba ka keluha kwa tumelo, mi ba ka teezeza kwa kushemaeta . . .” Mwa ziba *kushemaeta* kana. Moya o shemaeta mwa keleke, yoo ki munituti wa za bulapeli. “Kushemaeta, moya wa buituti, misebezi ya madimona; buipi mwa keleke.”

¹⁰⁶ “Bainuneki, babaitumbaeza,” butali, mwa bona, butali, kotalifa; “babana ni mubonahalelo wa bulapeli.” (Ba zamaya fela, bali, “Kihande, luna lu Bakreste; lu swanela kuya kwa keleke.”) “Kuba ni mubonahalelo wa bulapeli, kono balatula sinulo, Mata ni ze sebeza ka Moya; ku baba cwalo musabe kwateni.” Mwabona? Cwale mulemuhe, na ize, “Kakuli ba ki bona ba mikwa yekena mwa ndu ni ndu, mi zamaisa basali baba imezwi . . .” Bao ha ki kuli ki basali babateni Moya o Kenile. “Basali baba imezwi ki litakazo zeñata.”

¹⁰⁷ Litakazo zeñata! Ba tabela fela kukena mwa nto ifi kaufela ibe bunyinyani imane, ni tutengo twa mifuta kaufela; mi bapila mo ba latela kaufela, kono, niteñi, “Lu ya kwa keleke. Lu swana fela sina mutu kaufela.” Kubina, mikiti, bakuta milili yabona, baipenta, batina mo ba latela kaufela; niteñi, “Luma—luma Pentekota. Luna—luna luswana fela sina mutu kaufela.” Oh! Misebezi ya hao luli ya kupaka. Kinti. Mulemuhe.

¹⁰⁸ Kono na ize kuli, “Ki batu ba ba ngana ye bolile, kuama Niti.” Niti ki sikamañi? Ki Linzwi, ili yena Kreste. “Kuama Niti.”

¹⁰⁹ “Oh, uka eza . . . Wena, u leleka basali. U toile basali. U eza se, *sani*.”

110 Batili, sha. Yeo ha ki niti. Boo ki—ki buhata. Ha ni si ka toya basalil. Batili, sha. Ki likezeli za ka, haiba ki likezeli. Kono taba yateni Na . . .

111 Lilato la sikulula. Haiba ha li sikululi, kupeto ha ki lilato. Haiba li cwalo, kanti, haiba li lilato, ki—ki lilato la phileo mi ha ki la agapao, Ni ka mi bulelela cwalo. Bakona kuba ni lilato nyana la phileo bakeñisa kalibe yomuñwi ya bonahala hande. Kono lilato la agapao ki nto yeshutana, leo kona lilato leli otolola lika hande, ni ku yi katanyeza Mulimu kwabuse bobuñwi ko lu kona kupila Kuyakuile. Mwabona? Ne ni sa talusi cwalo, mwendi, ka nzila ye si utwahalezi cwalo, kono Ni . . . Mwa ziba se Ni—Ni . . . Ni sepa mwa utwisisa. Ku lukile.

112 Cwale, kono, muhupule, na ize, “Sina Janise ni Jambresi ha ne ba hanyeza Mushe, kona mo ba ka ezeza ni bona. Kono bukuba bwa bona bwa to bonahala kasamulaho.”

113 Kiñi? Mushe ha na lumilwe kueza musebezi ono bonahalile kufitelela tikanyo, kono, naile kwani ka busepahali fela mwa na konezi. Mi Mulimu a mu bulelela kuli ange se, yona kota ye, ni kuilatela fafasi, mi neika fetuha kuba noha. Mi, Na ezize cwalo, ka ku mubonisa se ne si kanga sibaka. Mi fapila Faro, ayema kwande kwani sina Mulimu mwa na mu lumezi, mi ki ha nepela mulamu wa hae fafasi, mi so fetuha noha.

114 Mi kusina kukakanya, Faro ali, “Ki makilikicani a bunolo!” Kacwalo ayobiza Janise ni Jambresi ba hae. Ali, “Lwakona kueza lika zeo, niluna.” Mi ha latela mulamu fafasi, mi seiba linoha.

Cwale ki sikamañi sa ka eza Mushe?

115 Neli sikamañi? Neli kubonisa kuli, nto yaniti kaufela ya Mulimu, diabulosi una ni malikanyiso a yona. Ba likanyisanga, kuli ba keluse sicaba kwa nzila.

116 Ki sikamañi sa naezie Mushe, sali, “Kihande, Ni sepa Ni ezize mafosisa. Mbweshwa ni kute fela”? Na yemi fela akuzize, kakuli na sa petile tumo ya hae, ka swanelo.

117 Mi, taba yapili mwa ziba, noha ya Mushe ya ca yeñwi. Mwabona? Kana mukile mwanahana ze ne ezahalile kwa linoha zeñwi zani? Ki kai kwa naile? Mushe a nopa kota mi aya ni yona. Na ezize limakazo ka yona. Mi noha yani neili mwahala kota yeñwi ye. Mwabona? Zeo ki zende. Nji cwani? Eeni, sha.

118 Cwale, antikreste utaha ma liseli, hanyinyani hanyinyani. Ni bata kuli mulemuhe nto ye. Cwale, ha mu utwa . . .

119 Cwale, kwa balikani baka ba Katolika, muine fela mukuzize fa muzuzu fela, mi cwale; mi kipeto lu ka bona koo Baipanguli; ko lu inzi kaufela, mwabona.

120 Mulemuhe, keleke yapili, keleke ya Katolika ha ibulela kuli kiyona yapili, keleke ya makalelo, ba bulela niti luli. Neli bona. Ne ba kalezi kwa Pentekota. Kwani kona ko ne ikalezi keleke ya

Katolika. Cwale, Na mane nako yeñwi ne ni sa lumelangi cwalo, konji ha Ni yo bala litaba za kale. Ne ba kalezi kwa Pentekota. Kono bakala ku keluha, mi mwabona fo se ba fitile.

121 Mi haiba Pentekota imata ka lubilo loisweli kumata ka lona cwale, habana kuba ni kuya ka myaha ye likiti zepeli. Mwa myaha ye mwanda kuzwa cwale, bakaba kwahule luli kufita keleke ya Katolika mo ibezi. Yeo ki niti.

122 Kono mulemuhe, kuli, yena mupahami wa pizi yesweu yoo. Cwale lusweli fela kukutela hanyinyani, kwa mulaho, kufitela lufita fa Liswayo lee. Cwale mulemuhe pizi yesweu, ha na zwile, u—u inzi mwa likalulo zetalu. Dabulosi, sina ha Ni mi bonisize busihu bobuñwi, u mwa bulalu, mane fela inge Mulimu. Kono ki diabulosi ya swana ka nako kaufela, mwa likalulo zetalu. Mulemuhe likalulo za hae. Mwa kalulo yapili, natile mwa . . .

123 Moya o Kenile wa suluha, mi sicaba ni lika kaufela ka kuswana. Mi Moya wa Mulimu wa ba suluhela. Mi ba apositola ba ya ndu ni ndu, inge ba ikabela sico ni batu. Mi nekuna ni lisupo zetuna ni zekomokisa ze ne ezahala.

124 Mi—Mi he, taba yapili mwa ziba, Satani akala kutisa litongoko.

125 Mi, kasamulaho nyana, batanga ba ni babotana ba mwa naha, bene ba amuhezi Moya o Kenile, ba ya mwa libaka zeshutana, ku yopaka. Ba paka kwa malena bona.

126 Mi kasamulaho nyana, se kukala kutaha, oh, sina bazamaisi ba limpi ni—ni batu baba shutana. Ba kakubo bakala kubona baba bundume, mi limakazo ni lisupo ze ne baeza batu ba, konakuli ba amuhela Bukreste.

127 Kihande, he, mwa bona, ha ba to amuhela Bukreste, ni kuyateni kwani kwa sibaka kone ba kopanela, mwa muyaho nyana o lififi, omatehilwe ka musitelo; inge ba kambela mazoho abona, ni kuhuwa, ni kubulela ka malimi, ni kuamuhela mañusa. Kiñi, nasike anga zani kuisa kwa—kwa bahanyezi ba hae, kamba kaufela sene sili sona, mwa musebezi wa hae. “Nasike a Li lumela, sina cwalo.” Batili kutokwa. Kacwalo, ulukela ku Li apesa hande. Kacwalo bakala kuputehana hamoho, ni kukala kunahana kuli, “Cwale luka eza nto yeshutana.”

128 Mi Jesu, kapili fela, kwa lusika lwa keleke yapili, Aba bulelela. Mwa kauhanyo ya 2 ya Sinulo mo, “Nina ni se ni nyaza kuwena, kakuli likezo za Manikolai zee.”

129 *Nikao*, “kukoma” keleke. Ka manzwi amañwi, ba bata kueza, mwa sibaka sa kuli batu kaufela babe alimuñwi, babata kuba ni mutu ya kenile. Ne ba bata kueza mufuta omuñwi wa . . . Neba bata ku li kenya mwa buhedeni, kuzwa kone ba zwelela, mane baeza ona cwalo.

130 Cwale mutalime. Pili, “Bunikolai.” *Bunikolai* ne bu bizwa, mwa Biblele kuli, “antikreste,” kakuli ne li lwanisa Tuto ya Kreste ni ya baapositola.

131 Hani lata kupunda libizo la hae. Ki muuna yomutuna. Kono Nenili kwa mukopano wa hae, kanu ha ki kale hahulu. Mi na ziba kuli Nenili kwani, kakuli Ne ni i lo muswala mwa lizoho. Mi ki hali, “Oh, wa ziba, luna ni baba cwalo kacenu baba bizwa kuli Mapentekota.” Mi ki hali, “Ba, ba itingile fa Buka ya Likezo.” Mi ki hali, “Mwa bona, Likezo neli fela mwambeso wa musebezi wa Keleke.”

132 Kana mwakona kunahana, kuli mutu ya balile Biblele, muuna muhulu ya bundume, mi ubalile Biblele ka nzila ya balile mulikani yani, mi kipeto afe pulelo ye cwalo? Ne li utwahala, ha litokwi . . . Mane—mane ha li utwahali kuba Moya o Kenile. Kihande, ha ku lukeli kuba cwalo, kai ni kai.

133 Kakuli, mutu kaufela yana ni kutwisiso yebunolo ukona kuziba kuli Likezo za Baapositola ne si likezo za baapositola. Neli likezo za Moya o Kenile mwa baapositola. Kana hamuzibi mo ne lu li swaniselize mwa masika a keleke? Libupiwa zani ze ne inzi fani, inge litalima Areka yani fani. Mateu, Mareka, Luka, ni Joani, inge bayemi fani, ne ba talimela Fani. Mi mwahali Mwani kona mo ne li ezahalezi, sina linepo za kuñola Mateu, Mareka, Luka, ni Joani.

134 Zeo kona zeibeya kota . . . ibeya mutai wa yona pili, mi zeo kona ze ezahala. Mi haiba kota yeo ika tubula mutai omuñwi, ba ka ñola Buka yeñwi ya Likezo mwa mulaho wa yona. Kakuli, mwa bona, Bupilo bobuswana bu lukela kuba mwa nto yeswana.

135 Ka cwalo cwale, kacenu, ha lu talimela likeleke zaluna za likopano, Methodist, Baptist, Presbyterian, Lutheran, Church of Christ (mo ibizezwa), ni Mapentekota ni lika zeñwi, lu fumana kai zeo? Ha mu li boni.

136 Nika itumelela kuli Mapentekota ba tulelezi bukaufi ku Yona, ki yeo foo, kakuli liteni ona mwa Lusika lwa Keleke ya Laodesia. Nebana ni Niti kono ba I latula. Ba kala kuenya fela ku Lona, mi Mulimu aba kwa mwa mulomo wa Hae. Zeo kona kuzamaelela ni Mañolo.

137 Hamukoni kueza kuli Mañolo abulele buhata. Mwabona? Akana abanga a niti, kamita. Musike mwa lika ku . . . Nto insi fela, musike mwalika kubeya muhupulo wa mina mwa . . . kamba Mañolo kuya ka muhupulo wa mina. Kono ki- . . . kuipeya hande ka Mañolo. Zeo ki kuli, kipeto mumata ni Mulimu. Hakuna taba kamba una ni kupumaka kufita kai, kamba kubeya kwatuko, kupila hande ka Lona. Mwabona?

138 Mutalime sene Li ezize ka nako yapili ha Liwa. Kihande, haiba Mulimu akile aeza cwalo nako yapili, U lukela kueza ona cwalo ka nako yeswana. U lukela kueza cwalo ka nako yeswana, kamba Na ezize ka mafosisa nako yapili.

Mwabona, luna ka kuba batu babashwa, lwakona kueza mafosisa. Mulimu nya.

139 Keto yapili ya Mulimu i lukile. Ni mwa Na ketezi nzila ya mwa kuezeza lika, hakukoni kuba nzila isili, yende kufita yani. Hakoni kuekeza ku zona, kakuli u petehile, ka kukala. Haiba ha ki cwalo, konakuli Ha ki ya sa shwi. Mi haiba Yena ha shwi, kona kuli Ki ya ziba lika kamukana. Mi haiba Yena uziba lika kaufela, Kiya mata kaufela. Amen! U lukela kuba cwalo, kuli abe Mulimu. Mwabona? Kacwalo hamukoni—hamukoni kubulela kuli, cwale, “U ekelize kwa lituto.” Na sika ekeza kwa lituto, Yena ki—Yena yena liweluwelu la butali kaufela. Mwabona?

140 Butali bwa luna fa buzwile ku Satani. Lu bu zwisa kwa Edeni, kone lu shutanize tumelo ni butali. Eva naezize ona cwalo.

141 Cwale, pili na bizizwe kuli antikreste. Kalulo yabubeli, na bizwa mupolofita wa buhata, kakuli moya wani mwahala batu notilo ba mwa mibili ya batu.

142 Mwa hupula, mupahami wa pizi yesweu cwale nasina kuwani ya bulena hana taha, kono cwale na ka. . . fita kuwani wa bulena. Kiñi? Nali moya wa Bunikolai, ka kukala; mi kona aba mwa mubili wa mutu; mi ki ha fiwa kuwani ya bulena, ni kuamuhela lubona mi a apeswa mushukwe. Mi cwale a u sebelisa ka nako yetelele, sina ha lu ka bona halunze. . . lu mamulula Mwaswayo.

143 Mi cwale lufumana kuli, kasumulaho wa nako yetelele, Satani a lekekiwa mwa Lihalimu. Mi ki ha shetumuka, kuya ka Mañolo, ni kuipa mushukwe ili yena. Munahane fela, aipa mushukwe ili yena ku muuna yani, mi aba sibatana. Mi nana ni mata, mata amatuna, sina mwa na ezelize, limakazo kaufela li lika zeñwi, kuli—kuli, kamba lipulao ni lindwa za mali ni lika zeñwi kaufela zana—zana tisize Rome. Ku lukile. Na bulaile ka situhu, koto ya Maroma. Fela, oh, mo lukona kukenela mwa Mañolo faa!

144 Muhupule, Jesu Krete na shwezi mwatasa koto ya Rome, koto ye situhu.

145 Liñusa le Ninani mwa pilu ya ka, kuli ni kutaze mo mwa mukopano otatama mo, musihali wa la Bufaifi Lelinde, kukopana kwani, lika zene, mwabona. “Ba Mukokotela ona kwani.” “*Kwani*,” sibaka sesi kenile kufitisisa, sa bulapeli mwa lifasi neli Jerusalema. “*Bona*,” bene (ba lukela kuba) baba kenile hahulu kwa sicaba sa lifasi, Majuda. “Kwani bona ba *kokotela*,” koto yemaswe hahulu ya Rome yekile yafiwa fateni. “Kukokotela *Yena*.” Sikamañi? Mutu yomutuna hahulu yakile apila. “Kwani bona ba Mu kokotela.” Oh, mawi!

146 Mulimu ani tuse kuli ni Li kenye mwateni mwa sikwata sa baana ba pisinisi bani, kufitela babona fo ba yemi. Ku lukile.

Cwale, isi kubata kuba ya shutani, isi kuba ya nyikwisa; kono ki ku Li nyunya fela, kufitela mizwale bani babona baika babona ni bashemi ba bakenile, ni litaba zebasweli kuñola mwa mitende ya Baana ba Pisinisi ba ki za bukuba. Bakreste ha ba swaneli kubiza mutu ufi kaufela kuli “Ndate.” Ba kalela kwa mulaho, Ni likile ku ba tusa mwa lika kaufela ze Ni kona (Mwabona cwale ko kuya tepu yee.), kacwalo, Ni felile, Na mane hanina kuba ni sa kuezwa ni yona. Ku lukile. Pili, muhupule Kreste.

147 Pili, sina Nik- . . . Bunikolai, mi cwale lusika lwa Bunikolai ne luezize sikamañi? Ne lu kupile ku ikambusa kwa sicaba se si huwa ni kukambela mazoho sani, ni ku bonahala inge baba nyandile; sina mo ne ba ezelize kwa Pentekota, baeza sina batu babakozwi, ba tantalika mwa Moya, ni lika zeñwi. Ne ba sa lati lika zeo mane. Se ba bulela kuli ne ba kozwi. Mi cwale muika . . . Amuteezele! Musike mwa mbwinja se. Sikona ku utwahala bukuba ku mina, kono ki Niti. Mi cwale—cwale mankumenkume habakala kutaha, ba palelwa kuikokobeza ku zona.

148 Se si panga Mulimu butuna, kakuli Ki yomutuna hahulu kuli a kusufale. Kona se si Mu eza butuna. Hakuna sesituna kufita yena. Mi Akusufala hahulu kuyofita kwatasi, hakuna mutu yakile a kusufala cwalo fateni ka buikokobezo. Nali yena Mulena wa Lihalimu, mi Ataha kwa—kwa munzi onoli mwatasi hahulu fa lifasi, Jeriko. Mane Aba yomunyinyani maswe kuli mane ni muuna wa mbonezikai mwahala ba mwa tolopo nana ni ku Mutalima, kuli a Mu bone. Kana ku cwalo? Zakia. Yeo ki niti. Na bizizwe ka libizo lelimaswe hahulu leo mutu kaufela akona kubiziswa lona, “mulauli, dimona, Baalezebubi.” Cwalo kona lifasi mo ne li Mu hupulela. A shwa lifu leli butuku hahulu. Asina neba sibaka fa kusameza toho ya Hae. A lelekwa, ka katengo kafi kaufela.

149 Kono cwale Mulimu a Mu paheka, kuba fahalimu hahulu kuli mane Utalima fafasi habata kubona Lihalimu. Mwabona cwale, Mulimu, mwa buishuwi. Mwabona? Mi A Mufa Libizo lelituna hahulu kuli lubasi kaufela lwa Lihalimu lu biziswa ka Yena, ni lubasi kaufela lwa—kwa lifasi. Lubasi kaufela mwa lifasi lu biziswa “Jesu.” Mabasi kamukana mwa Lihalimu a biziswa “Jesu.” Mi Libizo lateni, ki la kuli, liñwele kaufela li ka kubama, ni lulimi kaufela lu ka bulela kuli, ku Yena yeli Mulena; ibe fa kamba mwa lihele. Lihele li ka li kubamela. Lika zeñwi kaufela li ka li kubamela. Mwabona? Kono pili neli kuishuwa, kutuha foo seliba lelituna. Mwabona? Mulumeleze Mulimu abubeke. “Ya ikokobeza, Mulimu uka mu pahamisa.” Mwabona?

150 Cwale, lu lemuha ona moya wa *nikao* wo kuli nobata butali, kotalifa. Nona ni ku nahanisisa fela ka ona, sina mone kuinezi mwa Edeni, ku hananela fela Linzwi la Mulimu, ka butali, mi keleke yakena ku zona. Neli sikamañi seo?

151 Cwale, ha lu buleleñi kuli, lunge keleke ye fa, ni kunga sikwata sa bati sina mo lubezi moo, haiba ha mu si ka tazwa ka Moya. Mi ha lungeni, luli . . . Cwale, hakuna ze lu nyaza mubusisi wa tolopo. Ha ni sepi kuli Na ba ziba, Bo. Bottorff. Kana isali bona bo mubusisi? Bo. . . Ha ni . . . Mwabona? Ha ni . . . Bo. Bottorff ki balikani baka babande luli, mwabona. Kono, muli, mubusisi wa tolopo, mi ni sikwata sa mapolisa kaufela, ni—ni babahulu ba bulicimende kaufela, mi bona—bona kaufela batahanga kwanu. Taba yapili mwa ziba, haiba bana ni fela nto yenyinyani mwa toho, ni kukala ku ikambota ni ba katengo no sicaba sa kwanu, mi bali, “Cwale wa ziba kana? Ye ilukela kuba shutano.” Haiba ha u si ka tala Moya, mi muna ni muuna yatezi Moya hande kwa mulaho wa katala, taba yapili mwa ziba, mwakona ku ba apehelanga. Mwendu isiñi mwa lusika loo; mwendi ki lusika lolutatama.

152 Mi ona cwalo kona mo ne li kalezi. Mwabona? Kiñi? Ha ne e ba kuli “Talima kwanu. Ki zeswanela.” Mina, ne mu ka teezeza.

153 Lubulele kuli muuna yakona kutaha mo, ni kubulela kuli, “Keleke ye ki yenyinyani hahulu. Ha lu yaheni keleke yetuna. Ni ka mi yahela yona kwanu, ki . . . ikaba ya masheleñi a kuli, licika la madollar a milioni. Ika yahela faale. Ni ka beya patalaza taba yeo fa moya.” Ha ka eza cwalo, una ni capu yalukela kulona; hañata luli linako ze naini ku zelishumi, mwa ziba, alimuñwi wa miduta yeo. Taba yapili mwa ziba, kipeto, haiba uka iyaha, ubata fela kuli abuse lika mwa latela. “Hakuna zemukona kubelela, kakuli Muzwale John Doe kwa mulaho kwani, ki yena sikwama sa keleke ye.” Mwabona? Mi kipeto muba ni Ricky ya zwile mwa mukopano omuñwi wa bulapeli, ya sa zibi za Mulimu sina Mbenezikai mo a sa zibeli za busihu bwa Egepita, mi uka taha cwalo a to apehelanga mucaha wateni yoo, kakuli u mu lekelanga mota yenca nako kaufela, wa mu potolosanga mwa libaka, ni ku mulekela *se, sani, ni sesiñwi*.

154 Cwale, ona cwalo kona mo ne li kalezi. Kiniti. Mulemuhe, butali ni bunangu! Mi bali, “Cwale amutalime kwanu, kana ha ki zende nji? Cwale, ki . . . ba—ba bahame baluna, ki shutano mañi yeliteni ka milili yabona?” Kono Bibeke ibulela kuli kuna ni shutano. Munge fela nto ilinwi yeo, kwanda mianda anda yeñwi. Mwabona? Kuna ni shutano. Mulimu ubulezi kuli kuna ni shutano, kacwalo kuna ni shutano.

155 Kono, mwa bona, haiba bakala cwalo, ni sikwata sa basepahali, ni madikoni ni lika kaufela, taba yapili mwa ziba, mulisana ikaba yaba kuli uka zwa kamba kukena. Ku felile. Mwabona, ki sicaba se ne si muketile mwateni. Ku lukile.

156 Cwale mulemuhe, moya wani wakala kuzamaya, mi keleke yeli cwalo, yeo, bana ni baituti babatuba mwateni, luli ki lika zetuna, ni masheleñi amañata akalisa, konji kasamulaho wa nako nyana banze ba teezeza ku zona, kutatafala kwa diabulosi.

157 Mi ona yeo kona nto yana ezize Eva mwa simu ya Edeni. Cwale, mwa utwa zeo. Ku lukile. Mutalime, musali ya ishuwa, munyaliwa wa Adama, asika taha kale kuyena sina mufumahali, awela kwa lisomo la Satani kufulalela Linzwi la Mulimu, ka kunahana ka Lona. Adama asika pila kale ni Eva kakuba musala hae, Satani a mu natela ona fani. Yeo ki niti. Mu utwile ka za *Kota Ya Munyaliwa*, yene Ni kutalize. Zeo liambola ka zeon, mwabona. Ku lukile. Cwale mulemuhe, kwani, Eva awela kwa kuakaleza. Cwale muuna, Satani, nalikile ku akaleza ka Lona.

Musali ali, “Kono Mulena u ize. . .”

158 Ki hali, “Oh, wa ziba, kono kaniti Mulena haana kueza zeo. Mwabona? Wena, wena ubata kuba ya butali. U bata kuziba sika. Kiñi, ha u sesiñwi kono u mwanana fela wa sitimbi. Mwabona? U lukela kuziba nto yeñwi.” Haiba yo ha ki Satani! Oh, mawi!

159 Haiba bao haki babañwi ba baa, bacwale, mwabona, “Oh, ki sikwata fela sa bapikuluhi babakenile. Musike mwaiseza ngana ku zona, mwa bona. Musike mwaya. . . Mwabona?”

160 Cwale, wa nama, munyaliwa wa makalelo wa lubasi lwa nama, muuna hae asika taha kale ku yena, musali awa kwa sishemo, ka kuteeleza kwa mashano a Satani, kasamulaho Mulimu amu tiisa hande kwa mulaho wa Linzwi la Mulimu. Kambe musali na ka ina fela kwa mulaho wa Linzwi, nasike ku wa. Cwale zeo ki mwa nama, mulemuhe, musali wa nama.

161 Mi sikuto neli sifi, sikuto sa makalelo sa kuzwela fande a Linzwi la Mulimu?

162 Cwale muhupule, na lumezi bukaufi ni nainte-eiti pesent ya Lona. Kono fela mulukela kutuhela Nto iliñwi iikele. Mwabona? Na lumezi zeñata luli za Lona. Oh, kaniti. Na bulezi Cwalo, mi Satani na ka limelela kuli Yani neli niti. Haiba akona fela ku kuisa fa manganandila, kihona kona fela za bata. Mwabona? Nto fela ye mu lukela kueza ki futula fela lilumo la hao neku *le*, mi ika shuta kumbwinja. Mwabona? Ku felile. Cwale, na mulezi hahulu zeñata za Teni, kono ni cwalo ba li mbwinja.

163 Cwale, mi ni—mi ni linepo, kakuli na siile Linzwi, bakeñisa kuakaleza nyana kokunyinyani.

164 Kihande, muli cwale, “Kucwani he ka basali?” Kamba, “Kiñi so batela kuamblela zeo?” Kono ifi kaufela ya litaba zenyinyani zeo. “Ki shutano mañi, kamba kona bupaki bwa pili?” Kuna ni butokwa kwateni! Mu utwile. . .

165 Li lukela ku beiwa hande ka swanelo. Lubile lu akaleza ka Zona, mwahala masika a sebene a likeleke, mane. Kono hola itile fo Mulimu ha lukela ku Libulela. Mi mane Ha Li buleli fela, kono Wa Li bonisa, ni ku Li paka, ni ku Libonisa. Yeo ki niti. Haiba Aezi cwalo, kipeto ha ki Mulimu, kufelile. Mulimu uyema kwa mulaho wa Linzwi la Hae.

166 Mulemuhe cwale. Cwale, musali wa nama kiyena yana tisize lifu la nama, kakuli na teelezize ku za ku nahanisisa, kuli abe ya talifile, ku ikeza ya talifile mwa sibaka sa kuina mwa mulaho wa Linzwi ni kuezisa sa na mu bulelezi Mulimu kuli aeze. Na bata butali, ni kuba ya butali. Mi ateeleza ku za kuakaleza, mi—mi alatehisa lubasi lwa batu kaufela. Mwabona?

167 Cwale, nako ye, musali wa moya, Munyaliwa wa Krete ya na kalile ka Zazi la Pentekota, ni Keleke yapili ya baapositola, alatehisa lika zeswana kwa Katengo kaba Nicaea. Lee, u ziba kuli ki niti yeo. Mi kwa—kwa Katengo ka Nicaea, ayo cincanisa litukelo za kupepwa kwa hae, kuli ange likeleke zetuna za Constantine ni lika za na bafile kwani, mi alekisa liswanelo za kupepwa kwa hae za Mañolo bakeñisa lituto za litumelo za Roma. Cwale, zeo litata ku ba Katolika. Kono Baipanguli baezize taba yeswana, ni kuyemela, mwa Bibebe mo, sina mwana musizana “wa lihule, ili lihule lelituna.” Yeo luli ki niti, mañi ni mañi wa bona! Hakuna buinyazo.

168 Kono kuzwa mwani kubile bo masiyaleti babanyinyani, babatahile cwalo, ba ba bupa Munyaliwa.

169 Mulemuhe, na latehezwi ki liswanelo za kupepwa kwa hae, mwabona, muuna hae asika fita kale kuyena. Mwabona? Kusikaba kale sinawenga, musali alatehisa buiswalo bwa hae.

170 Mi cwale mwahupula fani, hana ize, “Ni inzi sina mulena wa musali. Hakuna se ni tokwile,” Mwa Lusika lwa Laodesia mwani. “Ni fumile mi niatezwi ki bufumu, ni zeñwi cwalo. Mi, oh, lifasi kaufela litamilezi kuna. Kina yomutuna, keleke yekenile, ni zeñwi cwalo. Luna lu *cwana*,” lusika kaufela.

171 Mi ki Hali, “Ha u zibi kuli u mapunu, u sibofu, u nyandile, u mwelwa, u mubotana, kono mane hauzibi.” Boo kona buino. Cwale, haiba Moya o Kenile ubulezi kuli buino bukaba cwalo ka mazazi a maungulo, kona ona cwalo! Hakuna mukwa wa ku likekuluha. Kona mo kuinezi ona cwalo kihona.

172 Cwale mutokomele. Cwale, hana lekisize tukelo ya kupepwa kwa hae kwa mulaho kwani, tukelo ya busepahali bwa hae, kwa Linzwi, kisikamañi sa na ezize? Eva ha na ezize cwalo, alatehisa pupo; pupo kaufela ya wa mwatasa hae.

173 Cwale mulemuhe, mi cwale keleke ha i eza cwalo, ya amuhela lituto za bulapeli mwa sibaka sa Moya ni Linzwi, ya kuta mulao kaufela. Mulao kaufela wa kopano okile waba teñi, kamba okaba teñi kaufela, wa kutiwa hamoho, ni kuwa, kakuli hakuna mukwa usili.

174 Mu sa kopana fela sikwata sa batu hamoho, kuli mubatisise sika kaufela, yo una ni toho ya hae neku *le*, mi ni yo una ni toho ya hae neku *lani*, ni yo toho ya hae neku *lani*. Ha ba ka beya lika hamoho ni ku linyunga, mi, ha li yo bonahala, kona ze munani za hae.

175 Kona ze ne baezize ona cwalo kwa Katengo ka ba Nicene. Ona cwalo kona mo ba ezeza kwa Methodist, Presbyterian, Church of Christ, ni babañwi ba basiyezi. Mi hakuna mutu, hakuna taba kamba Mulimu upatulula sikamañi kuyena, u lukela ku luta lika ka milao yabona, tuto yabona—tuto yabona mo i bulelela, kusi cwalo ba ka kulahela kwande. Cwale, musike mwa ni bulelela. Ni bile teñi, mwabona, mi Na ziba cwalo.

176 Mi ona cwalo luli kona mo ku ezahalezi, kacwalo taba yateni kaufela i kutilwe. Ki kabakaleo lingeloi ne li bulezi kuli, “Amuzwe ku yena, sicaba sa Ka, musike mwa amuhela kwa likozi za hae.” Kakuli, uka ba ni ku. . . U kutilwe, mi ulukela kunyanda ka sikuto sa buhali bwa Mulimu fahalimwa hae, kakuli u lekisize busepahali bwa hae ni liswanelo. Mwabona? Kono. . . Oh, mawi!

177 Kono, muhupule. Ka kubona buino boo kaufela, kono niteñi Mulimu na sepisize, mwa Joele 2:25, haiba mubata ku liñola, “Mwa mazazi a maungulo. . .”

178 Ha Na bulezi kuli, “Se si siilwe ki sishenyi, si cilwe ki nziye; se si siilwe ki nziye, si—si sicilwe ki nziye yefubelu; se si cilwe ki nziye yefubelu. . .” Kuya ka kushetumuka cwalo, sibuku mwa mulaho wa sibuku, ne litile ku to ca Keleke yani kufitela mafelelezo Yatokwa kuba sika kwanda sisindimwa kihona. Mutalime! Se ba siile Maroma, kona se ba cile ma Lutheran; se ba siile ma Lutheran, si cilwe ki ba Methodist; mi se ba siile ba Methodist, Mapentekota ki se ba cile; mwabona, konji haifita fa sisindimwa.

179 Mi kana mwa ziba? Ha mu kanga bibuku byeo mwateni, sishenyi ni nziye, ni zeñwi cwalo, mi mu li latelele mwa—mwa buka, ni kufumana zateni. Ki liungu le li swana mwa likalulo fela zeshutana.

180 Tokomela taba ya hao. Kona mwa inezi ni Maswayo aa! Ki sibuku sesi swana. Mu ka li bona ha lu ka li patalaza, kona kuli Ni ka mi bulelela cwale. Ki sibuku se si swana, ka nako kaufela. Zene za likokwani zani; zene faa. Ki ki zeo foo, ki nto yeswana fela. Ki moya o swana. Se si siilwe ki se, si cilwe ki sesiñwi; mi sene si siilwe ki se, sesiñwi si cile; ona cwalo, konji mane ha i yo fita fa sisindimwa.

181 Kono Joele naize, “Ni ka kutiseza, kubulela Mulena, myaha kaufela ye cilwe ki nziye.”

182 Ki sikamañi seo? Uka li eza cwani zeo; haiba ne likalile cwalo, antikreste, ka kulwanisa tuto ya Krete, zani za amuhela tuto litumelo mwa sibaka sa Linzwi? Mi hala lilimo baongaongi balikile kutundama ka zona, sina Bibehe ha ibulela.

183 “Kono mwa lizazi la mafelelezo, kwa kulila kwa. . .” Sinulo10:1-7, Na ize, “Likunutu za Mulimu li ka feliswa mwa lizazi la mafelelezo, ka mulumo wa lingeloi la busebene.” Malak 4, ibulezi kuli Uka “Luma Elia zazi le li sabisa li si ka taha kale

mwa lifasi, Ha ka li cisa sina ondo. Mi uka kutisa, ni kukutiseza ba—ba bana kwa Tumelo ya bashemi babona,” Ya makalelo, ya baapositola, Tumelo ya Pentekota yene sepisizwe ku kutisezwa. Cwale, zeo li otolohile fela hande sina Mañolo mwa bulelezi. Cwale li sepisizwe. Mi haiba lu mwa mazazi a mafelelezo, sesiñwi si na i kuezahala. Mwabona? Mi si sweli sa ezahala, mi lusweli ku si bona.

¹⁸⁴ Mulemuhe bulalu bwa Satani. Ku mutu yaswana ya taha; u ipeya fela mwa mubili, kuzwa ku wo kukena ku omuñwi. Kona mo ne liezelize likokwani zani, ona bibuku byani, se ku sesiñwi, kiniti. Nikolai, “antikreste wa moya.” Popu, “mupolofita wa buhata.” “Sibatana,” diabulosi kasibili, mwa mubili. Hakoni kueza cwalo. . .

¹⁸⁵ Cwale, mu buluke zeo mwa minahano ya mina cwale, ha mu latelela se. Mu ka bona bapahami ba habataha hande ku zeo. Mwabona, Ni mi beela siswaniso fa. Kambe Ni na ni sona fa limati, ne mu ka li utwisisa hande. Mwabona, Na bona.

¹⁸⁶ Pili, cwale. Muhupule se. Taba yapili yali yona, ki “moya wa antikreste.” Joani na bulezi cwalo.m “Bana babanyinyani, moya wa antikreste usweli kubeleka mwa bana ba baikanyisi.” Mwabona, taba ye ne kalile kuezahala yani. Mi cwale se iba “fela pulelo,” mwa lusika lwa keleke yene tatami. Mi lusika lwa keleke yetatama, seiba “tuto.” Mi lusika lwa keleke yetatama, afiwa “mushukwe.” Cwale hanili seo si utwahala fela hande mo mukona kubalela kaufela? Mwabona? Mwabona, ki yo ataha.

¹⁸⁷ Cwale, pili, ba nizwa (sikamañi?) “moya wa antikreste,” kakuli na lwanisa Linzwi. Kona ze ne kalisize lika. Kona ze ne ezahalile mwa litaba kaufela, neli kuzwa kwa Linzwi la Mulimu. Isiñi kuli Eva na shapile Kane zazi leliñwi. Mwabona? Zeo ne li si ka ezahala. Taba yapili ye ne tisize lika kaufela, neli kuli na keluhile kwa Linzwi. Na zwile kwa Linzwi. Mi taba yapili, ya kalisa buhule mwa keleke ya Mulimu yapila, Munyaliwa wa Kreste, ya keluha kwa Linzwi mi ya amuhela tuto ya litumelo za Roma mwa sibaka sa Linzwi la Mulimu. Kiñi ze ezahalile kwa kopano kamukana? I ezize yona taba yeswana.

¹⁸⁸ Cwale, kono a sepisa kuli mwa mazazi a maungulo Uka lukisa nzila ya kukutisa hape. Linzwi la Mulena lika taha fa lifasi, sina mwa Na ezelize kwa simuluhu, mi, oh, mi uka kutiseza (sikamañi?) ze ne li kalisize. “Kulwanisa Linzwi.” Mi cwale kiñi sa lukela kueza mulikani yo nako ya taha, ali yatozizwe ka Moya wa Mulimu? Yena fela “ukutisa Tumelo ya bana kwa bashemi.” Kona Mwa kutiseza cwalo. Mi munge ona Linzwi leliswana leo, mwa sibaka siswana seo Lili ku sona *Mo*, Li ka eza lika zeswana.

¹⁸⁹ Jesu naize, “Mutu aba wa Ka! Mi ya lumela ku Na, misebezi ye Ni eza uka i eza ni yena.” Mi ha ba Mu buza kuli aeze lika zeñwi, A li, “Ni eza fela za Ni bonisa Ndate. Hakuna ze Ni eza

konji ha se Ni li boni, pili. Se Ni bona Ndate aeza, kona se Ni eza nina. Ndate wa beleka, mi Na beleka mina cwalo.” Mwabona? Kikuli ha mu li boni? Kiñi, kuswana fela sina kubala mutende. Mwabona?

Cwale, cwale, pili, he, u ba “antikreste.”

190 Cwale, nasike aba antikreste fela mwa moya. Mi, uba antikreste, mi moya wani no ngile muuna ya na lutile litaba zeswana kuli moya wa antikreste wani nosweli kueza, mi kona aba “mupolofita wa buhata,” kwa moya wa antikreste. Cwale kucwani ha mutu yali mwa kopano? Itatube ili wena. Ha ni zibi ze mu nahana ka zona. Ku lukile.

191 Cwale, mafelelezo, u ba “sibatana.” Cwale amulibelele, mi luka fita ku zeo kasamulaho nyana, mwabona. Ku lukile.

192 Cwale, sina silalu sa Satani hasili fo ku cwalo; Satani, ka nako kaufela. Satani, “moya wa antikreste.” Moya wa antikreste, kuina mwa mubili, “mupolofita wa buhata.” Mi, uba “sibatana.” Mwabona? Fani . . . ha ki dimona, yeneli ku antikreste yani; kono cwale Satani kasibili a sa lelekezwi kwande, utaha mwa sibaka mo ne kupila dimona. Diabulosi, cwale, kipeto diabulosi uba mwa mubili wa mutu. Ki ku kutakela fela nto yeswana.

193 Cwalo kona Judasi Isikariota mwa nabezi. Mi kisikamañi sa na ezize? Neli alimuñwi wa batu bene ba lwanisa Kreste? Kiñi, nali mubuluki wa sikwama, na zamaile ni Yena. Kiniti. Na zamaya hamoho ni bona. Azwela kwande ku yo leleka mioya, ni kueza ona cwalo fela ze ne ezize.

194 Mi Kreste neli Mulimu mwa mubili; Mulimu, yapila mwa nama, Emanuele. Mi Judasi nali mwan’a sinyeho. Mi Jesu neli Mwan’a Mulimu. Mulimu mwa mubili; diabulosi mwa mubili.

195 Batu babañwi ba bonanga fela lifapano zetalu ka nako yani. Neli zene. Nekuna ni zetalu fa Gologota, ze lubonanga. Yani neli Jesu fahali, sisinyi kwa nzohoto ya Hae, ni sisinyi sesiñwi kwa silyo sa Hae.

196 Mi amutalime. Lisholi leliñwi lali ku leliñwi, kamba la li ku Jesu, “Haiba . . .” Cwale, mwa ziba kuli Yena ki Linzwi. Kono, “Haiba ki wena Linzwi, kiñi ha u sa i pilisi? Kiñi ha u sa ezi sika ka zona?”

197 Yeo ki nto yeswana ni kacenu. Ha mu utwangi mioya yemaswe haitaha, ili, “Haiba mu lumela mwa foliso ya Bumulumu, ki aa meto a mutu, kiñi hausa tutubuli meto a bona?” “Ni fougaze! Ni fougaze!” Ki yena diabulosi yaswani yani. Mwabona? “Tuluka fa sifapano, lu ka ku lumela.” “Haiba luli u Mwana Mulimu, fetula macwe aa kuba buhobe.” Diabulosi yaswana.

198 Wa ikela fela, mwabona. Batili. Kona mwa na ezelize Jesu ona cwalo. Na si ka icomeza ku yeñwi ya zona.

199 Ba beya lisila kwa lizoho la Hae . . . kwa meto a Hae amande, sina *cwalo*. Mi banga kota, ni ku Mu nata yona kwa toho. Bali, “Lu bulelele! Haiba u mupolofita, cwale lu bulelele ya ku natile.” Ba cincana kota, kuzwa yo ku kutaha ku yomuñwi. “Cwale lu bulelele ya ku natile, mi luka lumela kuli u mupulofita.” Na si ka atamisa mulomo wa Hae. Na itulezi fela fani. Mwabona? Ha ikankabeki. U eza sina Ndate mwa bulelela, mwa bona. Mwabona? Wa ba tuhela fela kuzwelapili. Nako yabona ya taha. Musike mwa bilaela. Eeni, sha. Cwale, ba swala sapalo sa Hae, ne ba si ka utwa mata ni a makana.

200 Kono musali nyana wa mubotana, yana tokwile, aswala fela mungundo wa sapalo sa Hae. Afetuha ni kuitemuna mi ali, “Ki mañi ya Ni sweli?” Uh-huh. Ku cwalo? Ki muswalelo o shutana. Ku itingile mo u Mu swalela, mwa bona, mwabona, so lumela. Cwale, mwa bona?

201 Cwale, sina Satani ha ka ba ni . . . u i peile mwa mubili, kuzwa ku antikreste kuba mupolofita wa buhata cwale. Mi mwa mazazi a Majuda, ki “antikreste,” mwahala keleke ya makalelo. Mwa masika a lififi, atoba “mupolofita wa buhata,” kwa lifasi. Amubona fani ni “komoki ya hae ya bumaswe”? Cwale, zeo ki kwa lusika lwa keleke cwale.

202 Kono mwa lusika foo Keleke ha se iile kwa Hae, u ba sibatana, u ba diabolosi mwa mubili, dragoni yefubelu kasibili. Oh, mawi! Kikuli hamuboni se Ni talusa? U ipatile mwa mibli ya sicaba sa hae cwale. Sicaba sa hae si tamilwe ka mata a hae. Mupolofita wa buhata u ba polofitezi ku zona. “Ku bafa kwa buhata bobutuna, kuli ba lumele buhata ni ku sinyiwa ki bona.” “Ba latula Linzwi; ka mufuta wa bulapeli fela.”

203 Mulimu wa beleka, sibaka sa Hae, mwa bulalu. Kubeiwa ya lukile; kukeniswa; ni kuipeya ili Yena mwa sicaba sa Hae, ka kolobezo ya Moya o Kenile.

204 Kinto yeswana, diabolosi ki mufuta fela, ulikanyisa Kreste. Oh, Satani u ipeya iliyena . . . Cwale amutalime. Satani . . .

205 Mi Jesu ha ipeya Iliyena mwa sicaba sa Hae, ona Bupilo luli bone buli ku Kreste kona bobuba ku mutu.

206 Kikona kuba cwani ha u zwise bupilo mukoti wa magilepu ni ku bu beya mwa mukoti wa mupusi? Haina kubeya mipusi hape; i ka beya magilepu. Kucwane ha ne mu ka zwise bupilo bwa kota ya muhabo wa apule? Kikuli neina beya ma apule hape? Batili. Ika beya ma apule. Bupilo bu paka seo ili sona. Mwabona?

207 Ha mu bulela kuli, ni utwa batu ha ba bulela kuli bana ni Moya o Kenile, kono inge ba latula Linzwi le, kuna i se si fosahalile. Ki Moya o Kenile o no ñozwi Linzwi leo.

208 Mi Jesu naize kuli, “Mutu ha na ni Moya wa Ka ku yena, uka eza misebezi ya Ka.” Mu bata kubala zeo? Mu bata ku i ñola? Ki Muñoli Joani 14:12. Eehe. Ku lukile. “Ya lumela ku Na, misebezi

ye Ni eza uka ieza ni yena. Mane yemituna kufita yee uka i eza, kakuli Ni ya ku Ndate.” Mwabona? Mi Wa mu kenisa ni ku mu tapisa, kuli akone kuyema fapila Mulimu. Ona liloteli la enge lani lawela mwateni, ni ku muisa kusila muandala. Mwabona?

²⁰⁹ Cwale amutalime. Satani, ha i peya mwa mibili ya sicaba sa hae, si ka eza misebezi ya na ezize. Kikuli ha mu boni? Kiñi sa na ezize? Na tile ku musali yasina mulatu yani, ku to mu kwasheka. Mi ona zeo kona ze i eza mioya yeñwi yee, itaha mwa sibaka ni kubulela kuli. . . Mulisana nyana natile, kwa sibaka kokuñwi; ataha mi ali, “Oh, kambe no ka ikopanya fela ku luna!” Huh! Huh! Ki diabulosi yashwana ya beleka. Cwale, yeo kona Niti! Mi cwale Satani ha icomeza mwa keleke ya hae, kuli abe diabulosi, kipeto iba bona baba kala kupobaula ni kubulaya, ni zeñwi cwalo. Kakuli, Satani ki sibulayi, ka kukala; ki lihata ni ki. . . Mwabona? Ku lukile.

²¹⁰ Kiñi sa ezanga Satani ha eza, ba taha mwahala sicaba? Ki musebezi wa hae kuli atalife. Ki ya butali. Mu balisise mwa Bibe, mi mu ni bonise koo Mulimu akile asebelisana ni sicaba sa ngana ya nama. mubatisize zeo, mi mubone haiba ha ki baituti baba tasezwanga ki madimona. Ki linzwi lelituna, kono ki niti. Ni mi laela kuli munge—munge mukoloko, kuzwa ku Abele kutaha ku Kaine; ni, mwa masika a lishumi ka amane, ku azamaise hande, mi muone kuli ki bafi bene bali kwa neku la butali, ni kuli ki bafi bene bali kwa neku la kuishuwa. Uh-huh.

²¹¹ Kiñi Jesu ha na si ka keta sicaba se si cwalo? Anga bayambi ni baana bene ba sa koni neba kuñola mabizo abona, aba beya litoho za Keleke ya Hae. Yeo ki niti. Butali ki—ki noto; ki—ki kushutana ni Krete. Butali bwa lifasi bu lwanisana ni Krete, kamita. Jesu na sika lu bulelela kuli luyahe likolo za lituto; Na si ka eza cwalo; kuba ni likolo za Bibe. Na ize, “Mukutaze Linzwi! Mukutaze Evangeli!” Mi cwale haiba Na ize, “Lisupo ze li ka ya ni ba balumela,” mwabona, mu ka tokwa kuba ni. . . Ka manzwi amañwi, Na ize, “Muye mubonise Mata a Mulimu, kwa linaha kaufela.”

²¹² Cwale mutalime. Musebezi wa Satani ki kulyanganisa Linzwi la Mulimu, kutaha kwa minahano ya butali. Oh, mawi! Oh! Kipeto u ndongwama batu ba hae, ka kulatula Linzwi la makelelo. Cwale mutuhele zeo. . .

²¹³ Kikuli muka—kikuli muka—kikuli muka ni lumeleza fa nako nyana, ni nge se? Se, Ha ni lati kuli mu mbwinje litaba ze. Mutuhele ni mi bonise mufuta, kuli mulibone kaufela mwa mufuta ni Linzwi, ni lika kaufela. Hamu—hamu koni. . . Hamu lukeli kuya inge mu lyangani.

²¹⁴ Mwa Testamente ya Kale, mutu ha na lekisizwe kwa butanga. Ne ku tahanga mwaha wa jubile, ka myaha ye mashumi aketalizoho kaufela. Mwaha wa bu fote-naini, mi ni mwaha wa jubile. Mi cwale mutanga ha na utwa cwalo, mi na bata

ku lukuluha, hakuna se—hakuna se ne si mu tibela kuba ya lukuluhile. Wakona kuyumba muhuma wa hae, ni kubulela kuli, “nako ikwanile,” kuta kwa hae. Tolombita ne i lilanga. Yeo ki niti.

²¹⁵ Kono haiba na sa lati kuya, mi utabela mulen’a hae mwa butanga, kipeto u isiwa mwa—mwa—tempele, mi banga mapo . . . Mwa ziba mapo seili sona. Mi ba mu punya kwa zebe, ni kueza lisuba kwa zebe ya hae. Mi iba liswayo, kuli hasana kukuta habo. Kana ku cwalo? Una ni kusebeleza mulena hae ka nako kaufela. Hanina taba kamba jubile ikana itaha linako zekai, kaufela ze ezahala. Yena kipeto u—u itekiselize liswanelo za kupelwa kwa hae, za tukuluho.

²¹⁶ Mi cwale mutu ha hana Evangeli ya Niti, Satani uka mubeya swayo (kai?) kwa zebe. U ka mu tiba mazebe kuli asike a utwa Niti ni kamuta, kipeto u yongile. U ina ni sikwata sa li ni sona, haiba ha sa utwi Niti. Batili.

²¹⁷ “Mu ka ziba Niti, mi Niti ika mi lukulula.” Mwabona, Niti ya lukulula.

²¹⁸ Mulimu u swaya ba Hae ha ba taha. Mulimu uswaya ba Hae ka kupaka Linzwi la Hae la sepiso ka bona. Yeo ki niti, Muhalalehi Joani 14:12. Mi yeñwi, yemu lukela kuñola, Mareka 16. Jesu naize, “Lisupo ze li kaya ni baba lumela.”

²¹⁹ Cwale ha lungeni fela zeo, fa muzuzu. Kana Na eza lisheha nji? [Kopano ili, “Batili.”—Mu.] Na talusa fela . . . Kikuli Na talusa fela baapositola, sina babañwi mo ba lu bulelela? [“Batili.”]

²²⁰ Mutalime. Makalelo a zona. “Mu ye mwa . . .” Kakai? [Kopano ili, “Mwa lifasi kaufela.”—Mu.] “Lifasi kaufela.” “Mukutaze . . . Evangeli kwa . . .” Sikamañi? [“Sibupiwa kaufela.”] “Sibupiwa kaufela.” Mane ha li sika fita kale neba kwa sibaka sesituna haisali. “Lisupo ze li kaya mwa lifasi kaufela, kwa sibupiwa kaufela, kaufela ko kukutazwa Evangeli yee. Lisupo ze li ka ya ni baba lumela,” isiñi fela ku basikai fela babalikani.

²²¹ Inge mulikani nako yeñwi yana ni bulelela kuli, “Mulimu nafile fela baapostola limpo za kufolisa. Mi . . .” Oh! Kacwalo, buñata bwa mizwale nebainzi mo ha na nanuhile kubulela seo, mwabona. Na sa katezi ni zona, mwa mizuzu fela yelikani.

²²² Kacwalo cwale amulemuhe, “Lifasi kaufela, kwa sibupiwa kaufela, lisupo ze li ka latelela.”

²²³ Musike mwa amuhela swayo ya ku sa lumela kwa Satani. Cwale, u ka mi beya yona busihu boo, haiba akona kueza cwalo. Uka mi kasheza kwa limota, mi mu ka zwela fande ni kubulela kuli, “Ha ni sa ziba cwale ka zeo.”

²²⁴ Mu ye kwa mandu mu Li balisise, mi kipeto mube baba sepahala, ni kulapela. Kakuli, lika kaufela li—li petehile luli ka

Mañolo ka yona hola yee, yona hola yebutokwa cwana mwa nako yee. Se kubile cwalo ka myaha, lipakilwe, litile fa mayemo ateni. Mi ye kona hola yateñi. Ye kiyona nako.

225 Mi cwale mu si mu tuheleli kukenya zeo mwa lizebe za mina, yona swayo ya hae ya ku sa lumela. Mwabona? Kakuli, nali ya sa lumeli, ka kukala. A Li kakanya. Ku lukile. Oh, mane musike mwa lumeleza. . . Musike mwa mu lumeleza kunga Mañolo, ni butali, ni—ni ku A fetula ni ku A lyanganisa ka butali bwa hae fela, kuba mata a ku akalelza fela. U be fela ya ikokobeza, ni kubulela kuli, “Mulimu ubulezi ona cwalo, mi kona fela zeliteni ku zona.” Cwale, oh, ha lu. . .

226 Lu kaba ka kuliye ha hahulu, kona kuli kihande lu tuhelele fela ona fa ni—ni kukala zeñwi.

227 Cwale haluyeñi kwa Liswayo la Bubeli. Nako ya zuha, Ngunyana yana tabilwe ha kwalula se, mi ni Sibupiwa sa bubeli, sesiswana sina pulu, sali, “Taha, uto bona kunutu ya Liswayo lee.” Mwabona? Cwale lwa li utwa. Ngunyana, muhupule, ina ni ku kwalula Liswayo kaufela. Mi Sibatana sa bubeli. . .

228 Haiba mu si lemuhile, mwa mundandwe mo lu sa zo fita fela, ni masika a likeleke, ki nto yeswana. Ya bubeli. . . Sapili neli tau; sesitatama neli—neli ne. . . neli namani, kamba pulu, kamba nto isili, mwa bona.

229 Mi Sibatana se sali, “Taha, mwabona,” cwale, mi cwale Ngunyana ha mamulula Liswayo. Mi, he, ayo bona. Mi ha yo kena, kiñi ze ne ezahalile? Ha lu boneñi za na fumani. “Taha, utobona.” Kuna ni kunutu ye kwahezwi mwateni, yesebile mo ka myaha ye likiti zepeli cwale, cwalo. Ha lu boneñi zeo lili zona.

230 Cwale lufumana fa kuli na boni (sikamañi?) pizi yefubelu ha i ya. Cwale, kuya ka kutwisiso yaka yase, ka kutwisiso yaka, lilumo tuna la na sweli mwa lizoho la hae. . . Cwale luna ni lika zetaalu za kutalima kuzona cwale, mwendi ka mizuzu yetatama ye lishumi ni yeketalizoho, mizuzu ye mashumi amabeli. Ha lu baleñi felaa lubone Sa bulela faa. “Mi kwa ya. . .” Timana ya 4.

. . . *mi na bona pizi ye soto, (ya pili ki yesweu): mi ya i pahami afiwa mata a kuzwisa kozo mwa lifasi, . . . kuli batu ba bulayane: mi a fiwa lilumo lelituna.*

231 Cwale kuna ni lisupo faa, mi lubata ku litalima ka tokomelo hande. Kono, ka mo ni utwisiseza, ka swanelo mo Ni zibela cwale, mwa bona, Jesu na bulezi taba yeswana mwa Mateu 24. Mwabona? Na ize, “Cwale mu ka utwa lindwa ni milumo ya lindwa, ni lindwa fela ni milumo ya lindwa, ni lindwa. Mi, kono,” ali, “zeo kaufela ha li si ka fita kale. Mwabona, nako haisika fita kale.” Mwabona, ne ba buzize Jesu lipuzo zetalu. Mwabona? Mi A ba alaba mwa lipuzo zetalu.

232 Foo kona buñata bwa mizwale yaluna fo ba lyanganehezi, balika kubeya. . . Mizwale ba sabata, ka zeo, za lizazi la

busebene ni zeñwi cwalo, kwa mulaho kwani, ki . . . “Bumai ki bwa baba itwezi, ni baba anyisa, minyako ika kwaliwa ka lizazi la sabata,” ni lika ze cwalo. Mawi! Zeo mane ha li zamaeleli ni puzo yateni, mwabona, hakuna ni hanyinyani. Mwabona?

²³³ Na alaba ze ne ba buzize, kono Na si ka—Na si ka—ka li supeza kaufela kwa mazazi a maungulo. Na ize, “Mu ka utwa . . .” Cwale lusweli kutandanisa nto iliñwi ye fa. Lu ka taha kuzeñwi zateni, mwa masihu alikani. Mutalime. Na ize, “Mu ka utwa za lindwa, ni milumo ya lindwa, ni zeñwi cwalo. Kipeto ze kaufela ha ki . . . Mwabona, mi ba ka—ba ka kuta hape, mi ba ka mi nyandisa, ni zeñwi cwalo. Mi kaufela, kaufela zeo ha ki cona pili.”

²³⁴ Kono cwale Ha yo fita fa nako ha Na bata kubulela kubona ka ze ne ba Mu buzize, “za kufela kwa lifasi.”

²³⁵ “Kana ki lili foo lika ze kamukana ha li ka ezahala, hakisike kuba licwe le li ka siyala ku leliñwi? Kana sisupo sikaba sifi? Mi ki lili ha ku ka taha, mafelelezo a lifasi?” Mwabona, ne ba Mu buzize litaba zetaalu.

 Mi cwale Ha yo fita fakuli, “Mafelelezo a lifasi?”

²³⁶ Ki hali, “Ha mubona kota ya feiga ibeya itubula lipalisa, cwale muziba kuli nako seili fa munyako. Mi ka niti Ni li ku mina, nili, lusika lo haluna kufela kufitela zeo li talelezwe.” Mane ya sa zibi za bulapeli asina toloko, atabelela kuinelela ku ze! Mwabona? Mi ali, “Lusika lo,” isiñi lusika lwa Na ambola kulona, “lusika lo ne luboni kota ya feiga haitubula matali.”

²³⁷ Cwale Ni bata fela ku mibuza nto yeñwi. Fela—fela mutalime fa nto yeñwi ona fa pata a yona faa. Isilaele ki cwale, ka nako yapili mwa lilimo ze mianda ye twenti-faifi, seli naha. Ndembela ya kale hahulu mwa lifasi ya pepela fahalimwa Jerusalem busihu boo. Isilaele u mwa mubu wa hae.

²³⁸ Nekuna ni muzwale kwanu nako yeñwi ya na bata kuba mubuleli wa linzwi, afunduka kuli ayo kutaza kwa Majuda. Se nili, “Wakona kunopa alimuñwi ni fa.” Oh, sicaba sinahana kuli, ki naha kaufela! Batili, sha.

²³⁹ Isilaele i piliswa ka kuba naha, isiñi ka kuba mutu anosi. “Naha ika pepwa ka zazi li liliñwi.” Yeo ki Isilaele. “Isilaele kamukana i pilisizwe.” Muhupule fela cwalo. Paulusi na bulezi cwalo, “Isilaele kamukana i pilisizwe.” Cwale mulemuhe, “Isilaele kamukana.” Yeo ki niti.

²⁴⁰ Cwale mulemuhe se. “Kono,” Na ize, “Hamu ka bona kota ya feiga, ni likota zeñwi, ha li tubula lipalisa.” Cwale amutalime. Ha ku si kaba kale nako, ka myaha ye mianda ye twenti-faifi, foo Isilaele itile mwa mubu wa bona. Luna ni papali yenyinyani, yakuli *Mizuzu Yemilalu Kufita Fahala Busihu*, mwa ziba. Ki yani mwani, seli naha, naleli ya maneku asilezi ya Davida, ya pepela, ni lika ze kaufela.

241 Kana kukile kwa ba nako yeo likopano libile ni kuancafazwa sina mo libezi mwa myaha yelikani yefitile? Cwale mu ibale fela. Lu fa lapa.

242 Ki lili fo likopano ha li shokomokile mwa bulumiwa bwa mutu kaufela, sina mo li shokomokezi ku bwa Billy Graham; Ba Methodist, ba Baptist, ni babañwi cwalo? Ki lili ha ku kile kwaba muuna, mubatisize litaba za mina za kale, yakile aya kwa keleke ya sihalihali, wa libizo le li fela ka h-a-m, haisali? Ni mibuze fela. B-b-e. . .

243 A-b-r-a-h-a-m. Cwale amutalime, libizo la Abraham lina ni litaku ze sebene, A-b-r-a-h-a-m.

244 Kono Muzwale waluna Billy Graham, una ni litaku G-r-a-h-a-m, zesilezi, isiñi ze sebene. Lifasi, kwani kona kwa selil ku kutaza, kwa keleke ya nama.

245 Keleke ya nama, neli Lota, mwa Sodoma. Mi cwale mucaha yo aya kwa ku kutaza, ni ku ba fougaza ka Evangeli.

246 Kono nekuna ni Alimuñwi ya Na inzi ni Abrahamama, mi Abrahamama a Mu biza kuli, “Elohim, Mulena.” Cwale Abrahamama abona babalalu inge bataha, ki hali, “Mulena ka.”

247 Mi Lota ayo bona bababeli, ali, “Malena ka.” Ki yeo shutano ya mina foo. Mwabona musebezi wa mina wa za bulalu? Mwabona?

248 Jesu naize, “Mo ne kuinezi mwa mazazi a Lota.” Mwa bona seo? Mulemuhe. Muipalele zona.

249 Cwale, nekuna ni Alimuñwi ya natile kwa Keleke ya moya, yena Munyaliwa, Abrahamama, ya na si mwa—mwa Sodoma, ka kukala. Mi amutalime sa Na ezize. Na si ka kutaza sina mo ne ba ezelize bona. Na ba lutile, kono ba eza sisupo sani fapila bona. Yena aeza sisupo sa Mesia. Na fulalezi mukokoto wa Hae kwa tende, mi Ali, “Abrahamama.” Cwale muhupule, libizo la hae lapili, mazazi nyana kwa mulaho wa fani, nali Abrame. Kono U bulela kuli, “Abrahamama, ukai musala hao, S-a-r-a-h?” Mazazi nyana kwa mulaho, na bizwa S-a-r-r-a.

Abrahamama ali, “U inzi mwa tende, kwa mulaho wa Hao.”

250 Mi ki Hali, “Abrahamama, Ni. . .” Ki too foo tulokandina twa mina twa mutu. “Ni ka kupotela kuya ka sepiso ye Ne ni kufile.” Mwabona mo ne kuinezi. Mwabona? Muuna, ni maluli fa liapalo za Hae, inza ca nama ya namani, ni kunwa mabisi a komu, ni kuca buhobe bwa mbonyi. Eeni, sha. Mulimu, Elohim, yaiponalize mwa nama!

251 U sepisize, mwa mazazi a maungulo, ku iponahalisa Iliyena mwa nama hape! Mulemuhe.

“Abrahamama, ukai musala hao, Sarah?”

“U inzi mwa tende, kwa mulaho wa Hao.”

Ali, “Ni ka ku potela.”

252 Mi kalibe, eni sha, kakuba wa myaha ye mwanda ya kupepwa, asehela mwa pilu; koo ki kwa mulaho mwa tende cwale, kwa mulaho wa masila mwa tende. Mi ali, “Na, nili musali muhulu.” Kihande, ne se kufelile kubona, za kuba sina muuna ni musala hae, mwahala lilimo, mwa ziba, kakuli ne se li wa myaha ye mwanda yakupepwa, mi—mi—mi musali nali nainte. Ali, “Zeo halina kuezahala fateni.”

253 Mi ki Hali, “Kiñi ha sehile?” Whew! Ni mukokoto wa Hae ufulalezi kwa tende, “Kiñi ha sehile, ali, ‘Litaba ze likonahala cwani?’” Mwabona, A mubonisa sisupo.

254 Cwale U sepisa kuli se si ka kutela kwa nako ya mafelelezo, hape.

255 Mi baana bababeli bani baya kwani ku yo kutaza Linzwi, ni ku ba bulelela kuli bazwe; sibaka sani ne sika tuka mulilo, ni zeñwi cwalo. Mi kwaba ona cwalo. Mi Lota atantalikela fande; keleke ya nama, yeneli mwa sibi, ni mwa sileze, kono niteñi inza katazaha mwa litukiso zabona za likopano. Kono Munyaliwa . . .

256 Muuna alimuñwi yani na si ka ya ku bona. Na yezi fela ku yo biza wa mufuta wa Munyaliwa. Cwale lu mwa mazazi a maungulo. Mwabona? Cwale mulemuhe.

“U bulezi kuli kwani, ‘Mulimu, na bonahalile mwa nama?’”

257 Jesu naize, yena Kasibili, “Mu ka Ni nyaza cwani?” Ali “Hanili ku ñozwi mwa Bibebe ya mina, milao ya mina, kuli bona, bapolofita, be Linzwi la Mulimu lithahile ku bona . . .” Jesu ali, “Linzwi ne li tile kwa bapolofita,” kakuli Nali wa Mañolo mwa lika kaufela. Ki hali, “Cwale, Linzwi la Mulimu libule, kuli, ‘Linzwi litile kwa bapolofita.’ Mi ne mu ba biza ‘balimu,’ kakuli Linzwi la Mulimu litile ku bona.” Ali, “Cwale mu ka Ni nyaza cwani ha Ni bulela kuli Ni Mwan’a Mulimu?” Ni mulao wa bona tota, Aba tateza ona. Ki fohe cwale. Mwabona?

258 Cwale ki kai fo lu inzi? Lu kwa nako ya maungulo. Cwale amuteeleze ka tokomelo cwale.

259 Cwale lufumana kuli ku kaba lindwa ni milumo ya lindwa. Mi cwale lubona kuli kota ya feiga itubuzi matali a yona. Ni likota zeñwi litubuzi matali a zona. Ba Methodist, Baptist, Presbyterian, ni babañwi kaufela, ba tubuzi matali abona, mi ancafazo yetuna ya ezahala.

260 Cwale Ni lumela kuli Mulimu u sweli kukopanya Munyaliwa kwa hola ya mafelelezo yani, ya Ketilwe. Oh, mawi! Cwale mulemuhe.

261 Ha lu lemuheñi cwale sa na boni Joani, he, ka litaba zana boni. “Pizi ye soto; ni mupahami wa yona yana ya cwalo, afiwa mata a kubulaya ni lilumo.” Cwale ki ye sinulo yaka ka zona. Yo ki Satani, hape. Ki diabulosi, hape, mwa mufuta omuñwi. Cwale, lu ziba kuli—kuli Maswayo ki a . . . sina Ha ne ni bulezi busihu bobuñwi. Mi litolombita kiza—kiza—kiza—kiza lindwa, mwa

bona, mwahala sicaba, mwahala linaha. Kono mufumana cwana, fa kuli, muuna yo una ni lilumo, konakuli ki wa keleke, ndwa ya za naha. Cwale hamukoni kunahana kuli, kono mulitalime fela fa muzuzu nyana, ka mizuzu fela yelikani.

²⁶² Mulemuhe cinceho ya mubala wa lipizi zee. Mupahami yaswana; cinceho ya mubala ya lipizi. Mi pizi ki sibatana. Mi sibatana, mwa Bibeles, mwasasa sisupo, si yemela puso. Mulao o swana opahama fa mubala omuñwi, mata, kuzwa ku yesina mulatu yesweu kutaha ku ye soto. Mwabona? Amu mubone cwale, mo a tahela.

²⁶³ Ha na kalile pili, nali fela, kihande, nali fela tuto nyana mwa—mwa, mwahali, yebizwa Bunikolai. Eeeni sha, ne i sa bulayi sika. Yeo ki Sinulo 2:6, haiba mubata ku i ñola. Na si ka bulaya sika. Ki tuto fela, neli fela moya mwahala sicaba. Cwale, nesika za na bulaya. Oh, nali fela yasina mulatu, inza pahami fa pizi yesweu yee. “Kihande, mwa ziba, lwakona kuba ni keleke yetuna ya lifasi loote. Lukona kuibiza kuli keleke ya silundwamanji.” Ba sa eza ni cwale. Ku lukile. Mwabona? Cwale, “Lwakona kuba . . .” Oh, luli kiyeesina mulatu. Mi, oh, haina mulatu luli. “Ki sikwata fela sa baana. Kaufela luka ba hamoho mwa kopano.” Mwabona, kinto yesina mulatu; ki yesweu, pizi yesweu neili cwalo. Mwabona?

²⁶⁴ Cwale, kacwalo baituti babatuna, ni babaziba kuapala hande, ni babaitutile, mwa ziba, kuswana sina linyunywani za mubala o swana, mwa ziba, “Luka—luka beya lika hamoho. Mi sikwata se si nyandile sani, kiñi, haiba ba bata kuzamaelela hamoho, kihande, ku lukile, kono luka—luka—luka ba ni sikwata sesinde se si taha mwa keleke yaluna. Haiba lukona fela kuiketa hande fa, luka—luka ba—luka ba sikwata sa Bayahi, ni zeñwi cwalo, mwa ziba. Luka—luka ba fela ni lika zebeilwe, kamba, Balikani baba Ipitezi,” ka mi ba inezi. Mi kacwalo he . . . Isiñi Odd Fellow Lodge cwale, kono mwa ziba ze Ni talusa. Kacwalo, ki ze ipitezi ku mulumeli wa niti. Cwale, kono, konehe, ka manzwi amanñwi, “Lu bata siemba nyana, sikwata nyana sa minahano yeswana.” Ki tuto fela, ka kusepahala. “Mizwale, kiñi, haluna ze lu nyaza sicaba sani, batili sha. Kaufela mu lukile, kono, mwa ziba, lu iikutwa kuli—kuli luna ni musebezi ni zeñwi kaufela . . . Luka, neluka ba hande hane lu kaba hande hamoho.” Mwabona? Ne li zwezipili kuba mwasasi kufitela ha li ezahala, eeni, sha, kuba hamoho.

²⁶⁵ Kono cwale moya o puma omaswe, o puma o (oh, muuna tuwe!) kuba mwa mubili, mwa moya otahile mwa nama; moya wa tuto wo wa to kena mwa mubili, ku to nga sibaka sa Kreste, kutaha ku mutu. Una ni ku lapelwa, mi, ya fetuha kuba milapelo inge Kreste. Ka manzwi amanñwi, ku yo punya kwa Vatican . . . Ni bile kwateni kwani. Ku ñozwi kuli, “VICARIVS FILII DEI,” mi liñozwi ka litaku za Siroma. Cwale, muñole fela mulaini fawasi a litaku za Siroma zeo. Mi litalusa kuli, “Mwa sibaka sa Mwan’a

Mulimu.” Yena, ka manzwi amañwi, ki muyemeli. Mwa ziba seo muyemeli ali sona; ki kunga fela sibaka sa sesiñwi. Ki yena muyemeli, “Mwa sibaka sa Mwan’a Mulimu.”

266 Mi Bibeले ibulezi kuli, “Ya na ni mpo ya butali abale linombolo za sibatana, kakuli ki nombolo ya mutu. Mi nombolo ya hae ki sikisi handeleti ni sikisite-sikisi.” Cwale, munge VICARIVS FILII DEI, ni kuñola mulaini, ni linombolo za Siroma; kakuli “V” ki faifi, mi “I” ki wani. . . Mi mu li kopanye hape, mi mubone haiba hamuna kufumana sikisi handeleti ni sikisike-sikisi.

267 Bibeले ibulezi kuli, “Uka ina mwa tempele ya Mulimu, mi alapelwe sina Mulimu.” Tuto nyana yani ha i to ba mwa nama, ya ba muyemeli, “Kufita kuba Mwan’a Muimu.” Mwaboa? Oh, mawi! Ona o moya omaswe, o puma wani! Haiba mubata kubala zeo, mubale Matesalonisa Babubeli 2:3, mi mwakona kubona fo liinzi.

268 Mi, eeni sha, muka hupula kuli Satani ki yena toho ya puso ya litaza za naha, za linaha kaufela. Ki ba bakai ba baziba cwalo? [Kopano ili, “Amen.”—Mu.] Mubata ku i ñola? Mateu 4:8, “Satani na ngile isize Jesu fahalimwa lilundu lelilumbile, mi a Mubonisa mibuso ya lifasi kaufela, yeneliteni kaufela kamba ye ne ka bateni, mwa nako nyana fela.” Mu ambola za mutu! Na ize, “Ni ka kufa zona, haiba u ni kubamela.” Mi Jesu na ziba kuli Ne likaba za hae.

269 Kona ze ba bulela zeo, “Kiñi, mina sikwata sa bapikuluhi ba bakenile!”

270 Kiñi, lu nga lifasi! “Ba ba ishuwa ba ka yola sanda sa lifasi.” Kona za na bulezi Jesu. Mwabona? Mwabona?

271 Mulemuhe, Jesu na ziba kuli li ka ba za Hae, kona ha Na ize, “Zwa ku na, Satani. Ku ñozwi,” kuzamaelela ni Mañolo hape, mwa bona, “U ka kubamela Mulena hao, mi Yena fela.” Mwabona?

272 Cwale—cwale fani—fani yena, kakuba toho ya madimona, yene icocomelize mwa nama ka butali, ni ka bulapeli sina Bibeले ha i bulezi, kipeto u tamahanya keleke ya hae ni naha. Sibeli sa mata a hae akopana hamoho. Mwabona?

273 Moya wa bu antikreste ha no ile, neli moya. Mi seuba sikamañi? Wa to ba cwale. . . Cwale mutalime Swayo yee. Moya ha u no ile, neli antikreste, kushutana ni tuto ya Kreste. Ku lukile. Nto yetatama ye ne ezahalile. . . Sa na tomezi Kreste Keleke ya Hae kueza, Ne li kulwanisa sibi. “Oh, Ha li talusi cwalo. Ha li talusi cwalo. Zeo neli za mutu usili fela. Zeo, ki za yanali kwa mulaho mwa lilimo za kale koo, kwabuse koo. Kuli, zeo ha ki za luna.” Mwabona? Zani, mwabona, *anti*, “kulwanisa.” Kona u to ba. . .

274 Cwale, mupahami ha naile, na—na sina kuwani ya bulena, kono a fiwa iliñwi. Yona pizi yesweu yani; nana ni buuta, kusina masho. Mwabona? Kacwalo ha naile cwalo . . .

275 Mi, kasamulaho nyana, afiwa kuwani ya bulena, kakuli hamukoni kutinisa kuwani bulena fa toho ya moya. Kono, cwale, moya wo wa tokena mwa mubili wa musebezi wa bubeli wa—wa kupila kwa kunutu kwa hae, musebezi wa bubeli, ato apeswa mushukwe, mupolofita wa buhata, kwa musebezi wa moya wa antikreste. Cwale, lwa mubona fani, cwale. Cwale uba seo, ha i kungela sona. Mi, u cwalo, kale kale, Satani u busa mata linaha za lifasi.

276 Cwale ukena mwa sibaka sa kuli mane ukaba ni mata a likeleke kaufela, kuhatelela mata a bulapeli. Mi kana ha mu utwisasi, mizwale yaka, kuli mwa . . . Kuli, naha ye ibonahalela mwa kauhanyo ya 13 ya Sinulo, yona folofolo nyana ye nanuhile sina ngunyana. Mi ina ni manaka amabeli, mata a mibuso ni a bulapeli, kono u ezize zeswana ze si ezize sibatana sene sili fapila hae.

277 Kinto yenca, America ifa nombolo ya busetini, mi ki musali. Kinto yenca, mane ya bonahala neba mwa kauhanyo ya 13 ya Sinulo. Ne lukalezi ni mibala ye setini fa ndembela, linaleli ze setini. Lika kaufela ki “setini, setini, setini, setini,” kushetumuka cwalo. Lika kaufela ki “musali, musali, musali,” kushetumuka cwalo.

278 Mi li ka yo felela kwa, (Na akaleza), musali ki yena yaka li busa. Muhupule, yeo neli myaha ye mashumi amalalu kwa mulaho, ha Ni li bulela. Mi—mi ni—ni lika ze sebene zene Ni alakelize, liketalizoho za zona se li ezahalile. Mi bana ni muuna mwani ya ka kenya mwateni musali kuzona. Mi mu li ketezi kukena mwateni, ka lipolitiki zamina mwani. Eehe. Huh! Ku lukile.

279 Ki zeñata hahulu za kubulela, mane hamukoni kufita fomubata kufita. Mulemuhe cwale. Hanina ku mi buluka nako yetelele hahulu kihona, haiba Ni lukela kuzwelapili kamuso busihu.

280 Mutalime. Mulemuhe. Fani Satani. . . Cwale, mutu ni mutu, wa, ziba kuli Satani ki yena ya zamaisa mibuso ya lifasi. [Kopano ili, “Amen.”—Mu.] Na bulezi cwalo. Mateu kauhanyo ya 4, mu ibale, ni timana ya 8. Mibuso kaufela ki ya hae. Ki kabakaleo ha ba lwana, ndwa, kubulaya. Cwale muhupule.

281 Kana ha ki zenca zeo? Ne ba filwe lilumo, kuli batu ba bulayane. Oh, oh, oh, mawi! Mulemuhe cwale.

282 Cwale, ha na ezize cwalo, nasina mata a kubusa likeleke pili. Kono a kalela mwa dimona ya tuto ya buhata. Mi tuto yani yaba tuto ye latelelwa. Tuto yani ya icomeza ku mupolofita wa buhata.

283 Mi cwale aya fela kwa sibaka se si swanela. Na si ka ya kwa Isilaele, cwale. Na ile kwa Rome; Nicaea, Rome.

284 Mukopano no bizizwe, mi ba keta bishop yomutuna. Mi cwale, ka kueza se, ba kopanya keleke ni naha hamoho. Mi, awisa buta bwa hae. Atuluka fa pizi ya hae ye sweu. Apahama fa pizi ya hae ye soto, kakuli wakona kubulaya kaufela ya sa lumelelani ni yena. Ki leo Liswayo la mina. Ki mutu yaswana! Mu mubone ha pahama kukena mwa Kuyakuile, ni yona, mwabona, u kopanya bubeli bwa maya a hae hamoho.

285 Kinto yeswana ye ba lika kueza cwale, kinto yeswana, kacenu. Mi ki nto yenca, mwendi ha mu u twisisi. Kono, kacenu, kuzwa mwa sikwata sa Baptist mwa Louisville. . . Mu ikutwezi zona fa silimba. Mubuleli na nanuhile ni. . . Ki ba bakai baba li utwile? Kiniti. Mwabona? Ku lukile, kifo he cwale. Ba bata, ni kubuza mwa keleke cwale, kuli, “Haluna kuba luli ni, oh, ki kuikopanya fela kwa keleke ya Katolika, kono luna ni kukopana ni bona.” Mube. . . Mi, nako yeswana zeo ha li ezahala mwa Louisville, kwanu Mulimu usweli kumamulula Maswayo kwa sicaba sa Hae, ku abonisa, “Musike mwaeza cwalo!” Mwabona bubeli bwa zona ha libeleka hamoho? Muhupule, liñwalala ni nkwilimba ne li inzi fa mutai wa kota yeswana, mwa areka. Luli. Muhupule fela.

286 Cwale lufumana kuli, u kopanya mata a hae, cwale, hanabile naha ni keleke, ni bulapeli. Cwale ki sikamañi se mu ka eza? U bupa bulapeli bwa hae anosi. Ni mwakona kuezeza kaufela za bata kueza. Mi, una ni tukelo ya kubulaya yo kaufela yasike ku lumelelana ni yena. Kona za na ezize luli ona zeo, ni yena. Mi aeza ona cwalo ka swanelo. Mi ki sikamañi sana—sana. . . Na ezize kwa balumeli ba niti ba Mulimu yapila, bene ba bulukile Linzwi ni bene basike kulumelelana ni lituto za litumelo. A ba bulaya.

287 Cwale, Muzwale Lee Vayle, ni mina baluti mo ba Nicaea ni keleke ya makalelo, Hani zibi kamba mu kile mwa libala fateni kamba nee. Haiba mubata ku ipalela zona, munge ya Schmucker yeli *Glorious Reformation*.

288 Mi muka i fumana, kuli, fani Saint Augustine wa Hippo hatoba muprisita mwatasa keleke ya Roma, nanani kolo, kufitela nako yeñwi Moya o Kenile walika kutaha kuyena, mi ha U hana. Ki ba bakai babaziba cwalo, kakuba muluti? Kacwalo, a hana Moya o Kenile. Kona ona cwalo, mufuta wa keleke ya Baipanguli kacenu, ye hanile Moya o Kenile. A yo kutela kwa Hippo, mi ki yena ya na nyatezi zani, yona pampili yani yakuli, “Sinulo yezwa ku Mulimu, kuli ne i lukile ni kuli itabisa Mulimu, kuli abulaye mutu kaufela ya na sa lumeli mwa keleke ya Roma.”

289 Cwale amuteeleze. Ni bulela zeñozwi mwa litaba za babulaiwa, “Kuzwa ka nako ya—ya Saint Augustine wa Hippo, kufitela 1586,” kwa lipulao za babulaiwa ba Roma, “keleke ya

Roma ya Katolika ibulaile Baipanguli baba kuma fa sikisite-eiti milioni.” Kana lilumo la hae neli lelifubelu? Kana na pahami pizi ye soto? Neli ye cwani? Ki mata a swana; mupahami yaswana. Ki leo fo Liswayo. Ba itumelela, “sikisite-eiti milioni,” mwa bu bulaiwa, kuzusa kwateni bene ba bulaezwi kwande a seo. Oh, makeke! Mwa nako ya masika a lififi, nekuna ni ma milioni ana fepilwe kwa litau, ni ku silahiwa ka mikwa kaufela, kakuli kuti ne ba sa kubameli kwa tuto ya litumelo za Katolika yani. Mwa ziba cwalo.

²⁹⁰ Muna ni nako yekuma kai? [Kopano ili, “Nako ki yeñata. Mane ki busihu kaufela.”—Mu.] Ku lukile. Halu boneñi nibale nto yeñwi. Amu apule nina cwale, halu boneñi ni mi bonise nto yeñwi. Halu—halu swaniseñi nto ye, fa muzuzu fela. Itile fela mwa munahano waka, mi lu ka ibala fela. Ha lu apuleñi mwa Sinulo, mwa kauhanyo ya 17 ya Sinulo. Lu sa na ni mizuzu ye fifitini ye siyezi. Ku lukile. Cwale ha mu teeze hande, nde ka tokomelo cwale, hanze lubala. Mina babana ni Libibele za mina mi muapuzi, Ni ka mifa yona fa muzuzu fela, kuli mu iponele yona.

²⁹¹ Kana u i utwile yeo, Lee? Ku Schmucker kona ko Ni i ngile, mwabona *Glorious Reform*, zeo ne li zwile mwa litaba za babulaiwa ba Rome, kwa Vatican.

²⁹² Cwale, zani neli ku yopunya ni ku sicaba sa Saint Patrick. Mi cwale ba biza Saint Patrick kuli ki—ki muhalalehi wa bona. Huh! Saint Patrick nali wa Katolika hahulu sina mo Ni bezi; mi mwa ziba kuli Nina ni cwalo mwa butuna. Mwabona? Na—na hanile tuto ya kelele. A hana kuya ku popu. Eeni, sha. Saint Patrick mane. . . Ki mina, kana mukile mwaya kwa Mutulo wa Ireland, kwa na nani likolo za hae? Mwa ziba, libizo la hae neli Patrick. Ki ba bakai babaziba cwalo? Libizo la hae neli Sucat. Yeo ki niti. Atimelisa kezela hae wa mwanana. Mwa hupula hane ba. . . Mwabona? Ku lukile.

²⁹³ Cwale mulemuhe, kauhanyo ya 17 ya Sinulo. Cwale mañi ni mañi fela mulike kukwalula lipilu za mina. Mulumeleze Moya o Kenile u mi lute cwale.

. . . *kwa mangeloi a sebene asweli—asweli linkwana zesebene kwa ta leliñwi lali kuna, . . .*

²⁹⁴ Cwale, mwa bona, kuna ni Linkwana Zesebene. Mwa ziba, masebene aa, halunze lufita kuona cwalo, kaufela aezahalela ka nako yeswana; a latelela Likozi, a latelela masika a likeleke, ka kuswana fela, kakuli kaufela li swailwe mwa Buka, kamukana. Mi kamukana liezahala fela ka kupotolohana; ye ikeno ku yeñwi, mi ni yeñwi, ni yeñwi. Kuna ni mioya yemibeli ye beleka; Mulimu, ni diabulosi. Mwabona?

. . . *asweli linkwana zesebene, kwa ta leliñwi, lali kuna. . . Ta kwanu; mi Nika kubonisa. . . ni ku bonise ha ku atulwa lihule lelituna le li inzi fa mezi a mañata:*

295 Cwale amutalime kwanu, ona fa, fokuize, “mezi amañata.”

296 “Lihule,” kisikamañi seo? Yoo ki musali. Hakoni kuba muuna. Mi cwale musali u swanisiswa kwa ñi mwa keleke, mwa Biblele? Keleke. Kiñi? Munyaliwa wa Kreste, ni zeñwi cwalo; mwa bona, ki musali, kona keleke.

297 Cwale, “mezi amañata,” kana seo sitalusa sikamañi? Mutalime fa. Mubale timana ya 15 yateni.

*Mi ki hali ku na, Mezi o boni, fo ku inzi lihule lelituna,
ki macaba, . . . buñata, . . . mishobo, ni lipuo.*

298 Keleke ye ne i busa lifasi kaufela, mwabona, “Kuina fahalimwa mezi amañata.”

*Ili le bapilile ni lona malena ka buhule baba yahile
mwa lifasi, buhule bwa moya (kunga tuto ya hae, tuto
ya Bunikolai), mi baba yahile mwa lifasi ba kozwi veine
ya buhule bwa lona.*

299 Mushimani, mubulela za sikwata se si kozwi, kizeo! Muna . . .

*Kacwalo la ni isa mwa lihalaupa ka moya: mi Na bona
musali. . .*

300 Mi kana mwa ziba? Litaba zeñozwi ki Katolika kasibili lipaka kuli ye ki keleke yabona tota. Ki ba bakai ba baziba cwalo? Mwahala zeba ñozi bona luli. Nina ni yeli *Facts Of Our Faith*, kona mo i bizezwa, cwale, mwabona; ki ya muprisita. Ku lukile. Ku lukile.

*Mi kacwalo la ni isa mwa lihalaupa ka moya: mi Na
bona musali ya inzi fa sibatana sesiapezi bufubelu, se si
tezi mabizo a kunyefula, sina ni manaka a lishumi.*

301 Mi mutalime fela seo, sisupo seo, sa “litoho ze sebene zeo.” Cwale mwabona fa ko I bulezi kuli, “Mi ni—mi ni—mi ni . . . Litoho zo boni ki malundu a sebene fo kuinzi musali.” Rome i yahile fa malundu a sebene. Mwabona? Cwale hakuna mafosisa ka ona, mwabona, “Litoho zesebene.” “Mi manaka a lishumi,” mwa ziba, ki mibuso ye lishumi, ni zeñwi cwalo.

*Musali yo na apezi zetala . . . ni ze fubelu, . . . akabile
likabiso za gauda ni macwe a butokwa . . . ni lipelela,
mwa lizoho na sweli sinwiso sa gauda se si tezi
zemaswe—zemaswe zona ze masila za buhule bwa hae:*

302 Moya wa antikreste wani, “buhule,” mwabona, “kuluta,” kona kuezwa boozwa kwani ni Mulimu. Mwabona? Cwale, u lukela kuba Munyaliwa, mwabona; ni kuezwa boozwa. Mwabona? Kuswana fela sina Eva mwa na ezelize, kuswana fela ni keleke mo i ezeza mwani. Mwabona?

*Mi fa pata ya hae ne ku ñozwi, libizo, KUNUTU,
BABILONA YO MUTUNA, . . .*

303 Mi mutu kaufela u ziba kuli, “BABILONA” ki Roma.

. . . MAHE MAHULE NI ZE MASILA ZA LIFASI.

304 Cwale amuteeleze kwa timana ya 6.

Mi Na bona musali yo kuli ukozwi mali a balumeli, ni mali a lipaki za Jesu: mi ha Ni mu bona, Na komoka mukomokela luli.

305 Na li nto yende hahulu, yana ni bifaha bya lifapano ni zeñwi kaufela zana i cakelezi! “Ku konahala cwani kuli abe ni mulatu wa kunzwa mali a balumeli?” Za mu komokisa. Cwale U ka mu bulelela.

Mi lingeloi la li kuna, Kiñi so komoka? Ni ka ku bulelela likunutu za musali, ni. . . za sibatana sa pahami, . . .

306 Cwale, se hasiyo ku yeñwi ya Maswayo. Se ki sesiñwi fela, mwabona.

Mi k hali. . . litoho ze sebene ni manaka a lishumi.

Sibatana so boni. . . ne si liteni pili mi ha si sa li yo; kono si ka tuha si longoka mwa mukoti (osina mutomo, ki popu), kihona si ka yo shwelela: mi ba ba yahile mwa lifasi ba ka komoka, be mabizo a bona ha si ka ñolwa mwa buka ya Ngunyana ya bupilo, (ki bao Baketwa, mwabona), bupilo la li kutomwa lifasi, . . .

307 Cwani, libizo la hao ne li beilwe lili mwa Buka ya Bupilo? Kwa ancafazo yo no potezi yani nji? Batili, sha. “Kuzwa haisamba li tomwa lifasi.”

. . . ha ba bona sibatana kuli ne si li teni, . . . mi ha si la li yo, mi si ka ba teñi hape.

308 Mwabona, “sibatana,” yoo u ka shwa, yomuñwi u nga sibaka sa hae. “Na liteni; ha sa li yo. Na liteni; ha sa li yo. Naliteni; ha sa li yo.” Mi uka kena mwa nyandiso, ona cwalo. Mwabona? Ku lukile.

Ki mo—ki mo kubatahala kutwisiso yena ni butali.

309 Ki ba bakai baba ziba kuli kuna ni limpo ze naini za moya, mi iliñwi ya zona ki butali? [Kopano ili, “Amen.”—Mu.] Ku lukile.

Litoho ze sebene ki malundu a sebene, fa inzi musali.

310 Oh, ulukela kuba sibofu luli, shushu ni simumu, kuli upalelwe ku utwisisa zeo. Mwabona? Ku lukile.

. . . malena baketa lizoho: ba se ba wile, mi alimuñwi ki (Nero), mi. . . yomuñwi u ka ta; mi yo ha ka ta, uka ina nako ye nyinyani fela.

311 Mwa hupula za na ezize. A cisa muleneñi, mi a li kasheza kwa Bakreste. Mi abeya bomahe fa mwambeso wa kuhohisa lipizi ni kuba potolosa mwa mukwakwa. Mi aicanganisa, kanto Rome yona ya cisa zaniti. Ku lukile.

Mi sibatana sene sili teñim mi ha si sa li yo, ki mulena wa bu eiti, . . .

312 Rome wa buhedeni, atisa Rome wa bu popu. Moya wa bu antikreste mwa mubili, ni kuba ni mushukwe, aeziwa mulena wa Rome yana ni mushukwe, bubeli bwa naha ni keleke, hamoho. Oh, muzwele! Mwabona, litezi fela buñata bwa bona. Mwabona?

. . . ki . . . wa bu sebene, mi u ya . . . (Uina nako yekuma kai? Ha ba cincangi mulao.) . . . kwa sinyeho.

. . . manaka a lishumi o boni ki malena ba ba lishumi, ba ba si ka yola bulena kale; kono ba amuhezi mata kakuba malena fa hola hamoho ni sibatana.

313 Bona bahapelezi bani, mwa bona, eeni sha. “Baa bana ni muhupulo ulimuñwi.” Cwale, mutalime faa. Mi ba ambola za swalisano. Mwabona?

Ba bana ni muhupulo ulimuñwi, mi ba ka fa puso ya bona ni mata kwa sibatana.

Bona bao ba ka lwanisa Ngunyana, mi Ngunyana uka ba tula: kakuli yena ki Mulena wa malena, ni Mubusisi wa ba busisi: mi baba inzi ni yena ili ba ba bizizwe, . . . ni baba ketilwe, ni baba sepahala.

Mi la li ku na, Mezi o boni, e li inzi ku ona lihule, ki macaba, . . . ni buñata, . . . ni mishobo, ni lipuo.

. . . manaka a lishumi o boni fa sibatana, bona bao ba ka toya lihule lelituna, mi bulikani bo bu sinyizwe. . . (Ne ni ambozi ka zona maabani busihu.) . . . ba li amuhe za lona ba litubulise, ba ce nama ya lilama za lona, mi ba li ciseleze mwa mulilo.

314 Kikuli ha mu zibi kuli Bibebe ibulela kuli bazamaisi ba lisepe, ni zeñwi kaufela, ze i bulezi, “Bumai, bumai, munzi omutuna wani! Mo u sinyehezi mwa hola fela iliñwi!” Mwabona?

Kakuli Mulimu u kenyize mwa lipilu za bona kueza sa lelile yena, ni kuli baikutwe kulikuñwi, mi bafe sibatana bulena bwa bona, kuisa fo li ka petahelera ze bulezwi ki Mulimu.

. . . mi musali yo boni ki munzi o mutuna o busa mibuso ya lifasi kamukana.

315 Muni bulelele ulimuñwi. Russia ha i busi kaufela yona. Ha lu busi kaufela yna. Kuna ni fela mulena alimuñwi ya busa kaufela. . . inge wani wa sipi ya Nebukadinezare ye ne inzi mwa minwana kaufela ya mahutu. Yeo ki Rome. Rome ha i ezi cwalo sina naha; i eza cwalo ka kuba keleke. Naha ifi kaufela i mwatasa Rome.

316 Ki kabakaleo ne ba i ze, “Ki mañi yakona kulwana ni yona?” Ukona kubulela kuli, “Kozo,” [Muzwale Branham uliza munwana wa hae hañwi—Mu.] ao kona mafelelezo. Mu Katolika

kaufela hakali, “Ki, ‘Musike mwa lwana,’” kipeto—kipeto ha ba sa lwana. Ku felile. “Kimañi yakona kueza za kona kueza?” Hakuna. Yeo ki niti. “Kacwalo ba komoka limakazo zakona kueza.” Wakona kutuhelisa ndwa. [Muzwale Branham uliza munwana wa hae hañwi.] Taba fela yalukela kubulela ki kuli, “Amutuhele.” Ku felile. Kono munahana kuli uka eza cwalo? Batili hakukonahali.

317 Mulemuhe, seo luli sa bonisa, “Ba lukela ku bulayana. Ba lukela ku bulayana.” Buta bwa hae nebusina masho, kwa makalelo, kono “lilumo la hae lelituna” ne li liteni. Na felize kubulaya, kasamulaho, ni kucinca kuzwa kwa pizi yesweu; yaswana, ona cwalo, diabulosi, ni lilumo la hae.

318 Kiñi sa na bulezi Jesu? Jesu naize, “Baba lwana ka lilumo ba ka ba bulaiwa ka lilumo.” Musike mwa kutisanga lindwa. Mwabona? Jesu, busihu bwani ha Na bulezi, abulela cwalo, mi Pitrosi a lwala mukwale wa hae. Mwabona? Kueza fela sina mwa Na ezelize, kuya fela kwapili.

319 Cwale, cwale muhupule, una ni mukwale. Ki yo usweli waya, ni mukwale mwa lizoho la hae; inza pahami, pizi ye soto, uhatikela mwa mali a yo kaufela ya sa lumelelani ni yena.

320 Cwale kana mwa utwisisa? [Kopano ili, “Amen.”—Mu.] Ki ba bakai baba utwisisa seo Swayo ili yona cwale? [“Amen.”] Ku lukile. Cwale, kiñi sa na bulezi Jesu? “Baba lwana ka mukwale ba ka bulaiwa ka mukwale.” Kana ku cwalo? Ku lukile. Ku lukile. Mupahami yo ni sicaba kaufela sa mubuso wa hae baba sweli kubulaya mwahala lusika, baba hamuzi mali a lipaki kaufela za balumeli, ba ka bulaiwa ka Mukwale wa Jesu Kreste nako Ya taha. “Ba ba bulaya ka mukwale ba ka bulaiwa ka mukwale.” Ne ba lwezi mukwale wa lituto za litumelo ni antikreste, ni kubulaya bona sakata, balapeli ba niti, mwahala masika kaufela, kuli, kihande, neli ma milioni. Mi cwale Kreste ha taha ni Mukwale, kakuli leo ki Linzwi la Hae le li zwelela mwa mulomo wa Hae, Uka bulaya sila sifi kaufela se sili fapila Hae. Kana mwa lumela nji? “Uka bulaya sila.”

321 Ha lu yeñi kwapili fa muzuzu fela, Sinulo. Luka bona cwale haiba Ni bulela fela zeo, kamba haiba ki Linzwi le li bulela cwalo. Sinulo 19:11.

Cwale Na bona lihalimu ha li kwaluluhile (amen), mi kwa taha pizi yesweu; mi ya ipahami u bizwa Yasepahala mi Waniti kuatula kwa hae ni kulwana ki ka ku luka.

Meto a hae inge . . . malimi a mulilo, mi kwa toho ya hae . . . ki likuwani za bulena; . . .

322 Oh, muzwale! Mwabona, U sa apesizwe ki balumeli ba Hae, mwa bona.

. . . mi una ni libizo le liñozwi, le li sa zibiwi ki mutu, konji . . . yena.

323 Muhupule, halu—halu koni, ha lu zibi cwalo, mwabona, seo sili sona. “Mi na apezi. . .” Halu boneñi.

Mi u apezi sapalo se ne si cimbekilwe mwa mali: mi libizo la na bizwa (isiñi kuli “ki,” kono “na bizwa”) kuli Linzwi la Mulimu.

324 Kakuli, Yena ni Linzwi ba swana. Mwabona? Cwale mulemuhe, isiñi “mabizo a Hae.” Uh-huh! “Libizo la Hae li bizwa ‘Linzwi la Mulimu.’” Li ziba fela Libizo li liliñwi; hakuna libizo leliñwi.

Mi limpi ze kwa lihalimu, ne li mu latelela lipahami lipizi zesweu, ne a apezi line yende, ye kenile. (Koo kona kuluka kwa balumeli. Mwabona?)

325 Cwale amutalime. Kiñi sa na bulezi Jesu? “Ya lwala mukwale. . .” Ku lukile, mupahami wa pizi ye soto, ki yo fa wa taha. “Ya lwala mukwale. . .” Mwakona kuba mu bulaile sikisike-eiti milioni mwahala bona, mwahala masika a kaufela, kuzwa nako yani; mwendi neba ku fitelela. Kono Jesu naize, “Ya lwala mukwale uka bulaiwa ka ona.” Mutokomele.

Mi mwa mulomo wa hae kuzwa mukwale o buhali, . . .

326 Maheberu, kauhanyo ya 4, iize, “Linzwi la Mulimu li buhali kufita mukwale o lozizwe kafa ni kafa, lipumahanya mwahala mooko ni masapo.” Mi Li eza sikamañi, lona Linzwi, se lieza? “Ki Muboni wa milelo ya mwa pilu.” Kiniti.

. . . mwa mulomo wa hae kuzwa mukwale o buhali kafa ni kafa. . . o shengile, kuli ka ona una ni kunata macaba: mi uka ba lisa ka mulamu wa sipi: ki yena ya ka hatikela mwa silubelo sa veine ya buhali bwa mabifi a Mulimu yamata kaufela.

Mi fa sapalo sa silupi sa hae una ni libizo le lili, MULENA WA MULENA, NI MUBUSISI WA BABUSISI.

327 Sina baikanyisi, baba fulalezi Linzwi la Mulimu, mi kakuli ha ba lati kulumelelana, ni taba ye. . . Satani yatomile, a kopanya mata a linaha za na sweli, ni mata a mioya a ha sweli, hamoho, ni kueza kekleke ye kenelela mwa naha kaufela. Mi ubeile ma milioni ka ma milioni. . . kuzwa nako ya tula kuzwa fa pizi yesweu, kutulela fa pizi ye soto, mi anga mukwale wa hae ni kuzamaya ni ona.

328 Kono Mulimu ali, “Ka yona Nto yeswana ya na lyanganisize, kamba yana likile kulyanganisa, ka tuto ya buhata; lona Linzwi le li swana lani li ka taha ka mata, kuzwa mwa milomo ya Jesu Kreste, mi li ka mu bulaya, ni zeñwi kaufela zeli fapila Hae.” Amen.

329 Li leo Liswayo la Bubeli. Mwa Mu lata? [Kopano ili, "Amen."—Mu.] Oh, mawi! Seo KISONA SA BULELA MIULENA. [Kopano ya nyakalala hahulu.] Tumbo ibe ku Mulimu! Haiba sinulo ya zeñwi ze kaufela, ni lipono, ni lika kaufela, li natile fela kaswanelo fona—fa taba yaluli! Mi ki ba bakai baba ziba cwalo? Munanule mazoho a mia. Mianda, mañi ni mañi mo, ni mazoho abona mwahalimu. Yeo ki niti. Kona mo ku ka bela ku Se! Muhupule, ku cwalo. Oh mulikani!

Taha kwa Siliba se si tezi Mali,
 Azwile mwa misinga ya Imanuele;
 Mi baezalibi haba nwela mwatasa muunda
 wani,
 Ba tamuluha kwa maikuto amaswe kaufela.

330 Taha, u lumele ku Yena, haiba u samba kuba. Usike ma keshebisa ni hanyinyani; usike, usike, haiba kuna ni sika mwa bupilo bwa hao, mulikani.

331 Kiluna ba faa. Kuna ni se si libelezi kuezahala. [Muzwale Branham ungongota fa katala hane—Mu.] Ha ni zibi kuli kiñi. Ha ni zibi nako. Na ziba se si ka ezahala, kono Ha ni zibi nako ye si ka ezahala. Kono sina ni kuezahala, kakuli U sweli wa si patulula ona fa cwale. Hakuna sa ezanga konji pili A si zibahalise. Amosi 3. Wa li zibahalisinga pili. Mi Na sepizize kuli litaba ze li ka taha mwa mazazi a mafelelezo. Mi lusika lwa keleke ya bu sebene, kwa mafelelezo a lona, foo numwana ha sa tile, kona fo li ka ezahalela. Li ka patululwa, Maswayo a mamuzwi ani aka patululwa, mi ki Ao faa. Cwale, zeo ki ka Libizo la Mulena. U Li lumele, mulikani. Eeni, sha. Amuzwe mwa Babilona!

332 Ni bata kubulela nto yeñwi lusika kwala kale. Kakuli, Ni ba . . . Ni ka zwa ka naini-seti. Cwanoñu seli nako cwale.

333 Billy ni Na, ha lu tuluka mwa fulai, mwa India, musipili wa luna wa mafelelezo kwani. Ne ni sweli kutalimela fa—fa pampili ye ne ba tisize, yene ñozwi ka Sikuwa. Mi ne i ize, "Zikinyeho ya lifasi ilukela kufela; linyunywani lisweli za kuta." Mi se ifa taba mwa butungi. Neba . . . Nekuna ni se ne si ezahalile sa lisheha.

334 India haiba makwakwa sina mo lubezi ni ona. Bona ba nopanga macwe, ni ku ipangela makwakwa. Mi ba yahanga buñata bwa mandu a bona ka macwe, ba akambeka fela fahalimu cwalo. Mi kwa futumala kwani, sibaka sani, oh, kai ni kai, bukaufi mane, mwa India, konji ha mu inzi mwa malundu. Mane ku yo punya kwa Calcutta ni libaka zeñwi, batu ba i tobalelanga fela mwa mikwakwa, inge ba bulaiwa ki tala, ni zeñwi cwalo.

335 Cwale, kacwalo, mi ba yaha mandu abona ni litawala, za mandu a bona. Ba yaha li—li limota fani hahalimu fani, bukaufi ni ndu yabona. Ba yaha tawala ya ndu yabona, mi tawala ikona kuba ko ba nani siliba sa bona. Ba si katezi likomu zabona ni lika zeñwi, mi ba yaha mamota a bona kwa matuko.

336 Mi, ka nako iliñwi fela, sesiñwi sikala kuezahala. Linyinywani zenyinyani, mwa ziba, likenanga mwa macwe ani, ni kuyaha liyaletto zazona ni kuutela bana ba zona mwateni. Mi sesiñwi sikala ku ezahala.

337 Zazi ni zazi, ku sa cisa fela, likomu kaufela za taha mi li to yema mwa muluti wa mamota ani; kuli libatelwe.

338 Mi linyunuwa zenyinyani kaufela lipila mwa libaka zani. Mi, hañi hañi fela, linyinywani zenyinyani zani, ka libaka le li sa zibahali. . . Cwale, mwa ziba ze ne lubulezi zazi leliñwi ka za linyunywani zenyinyani. Mwabona? Libaka le li sa zibahali, li ka fufa. Mi za zwa, mane ne li si ka yo kutela mwa liyaletto zazona. Zaya mwa masimu, mi za lula kwa likota, mi kaufela ze ne lifumani, kamba kububama fela fafasi.

339 Likomu za hana kuzwa. Lingu za hana kuzwa. Ne li inelezi fela mwa simu, ni ku kumbana ye ku yeñwi. Kona nzila yende mwa kuezeza cwalo. Ne li ziba kuli kuna ni sene sina ni kuezahala.

340 Mi cwale, hañi hañi fela, zikinyeho ya ezahala, mi ya wiseza mamota fafasi, makwakwa fafasi, ni lika zeñwi kaufela.

341 Mi linyunywani zenyinyani za kala kukuta. Ne li si ka kuta konji kasumulaho wa mazazi amalalu kamba amane; kona liyokala kukuta. Se bali, “Kihande, zikinyeho za lifasi iswanela kufela cwale; linyunywani lisweli za kuta.”

342 Kiñi? Kikuli ha mu lumeli kuli yena Mulimu yaswana yana konisize linyunywani zani ni likomu ni lingu, mwa mazazi a Nuwe, kukena mwa areka, Usali Mulimu ya swana yakona ku li fufiseza kwa maipato? Kana ku cwalo? [Kopano ili, “Amen.”—Mu.]

343 Cwale haluboneñi ni bulele taba yeñwi, muzwale. Kuna ni se si libelezi kuezahala. Mi ni mamota amatuna, akale a bulapeli kaufela akawa, ni kukutela kwabuse, ni ku lumelelana. Kakuli, ba ka eza ona cwalo, ka niti fela inge ha Ni yemi faa. Kuna ni “siswaniso sa sibatana sani,” ka niti fela sina ha Ni yemi fa; mi naha ye i si swanisize, kuya ka Linzwi la Mulena. Amuteeleze, mu sa ikutwa fela maikuto asili, a shutani ao, mulukela kusaba kwa mamota. Saba kwateni! U ka shwela mwateni. Usike wa eza cwalo! Zwa mwa teni! Zwa mwa lika zeo kaufela! Sabela kwa maipato, kapili mo konela. Kupa sishemo sa Mulimu.

344 Usike wanga fela, za kuli, “Kihande, boma neli ba Methodist, kona kuli Ni sepa nikaba hande. Bo ndate neli ba Baptist; Ni kaba hande.” U si ke wa eza cwalo. U si ke—u si ke waeza akaleza.

345 Ha nina taba ka mo Li bonahalela bunolo ni ze ishuwile; Ki Linzwi la Mulena. U sabele ku Jesu Kreste kapili fela mo konela, mi u inelele teñi kufitela Mulimu aku taza ka Moya wa Hae o

Kenile. Kakuli nako i ka taha yeo uka Li bata, mi Halina ku ba teni. Kacwalo, ubone kuli wa li eza.

Ha lu inamiseni lithoho za luna, fa nako nyana.

³⁴⁶ Ndate yakwa Lihalimu, oh, Ni—Ni fela, linako zeñwi, Mulena, ni yema fa mi—mi Na njanja. Ni nahana za hola yesabisa ye atumela yani, mi Na . . . Hakuna mukwa wa ku i tibela. I bulezwi kuli ina ni kutaha. Mi Ni hupula zakuli, “Kiñi sicaba ha si sa tahi mi—mi si to teezeza? Mi kiñi ha si si ke sa to Li amuhela?” Kono, eeni sha, Ni ziba kuli—kuli Wena—Wena u ize habana kutaha, kacwalo habakuna kueza.

³⁴⁷ Kono kuna ni babañwi baba ni mabizo abona añozwi mwa Buka ya Bupilo ya Ngunyana. Mi cwale Maswayo ani ha sa kwaluhile kwani, ba bone mabizo abona mwateni, mi Moya o Kenile u ambole ku bona. Ba tahe. Ha ukoni ku ba leleka; hakuna yakona, hakuna. Ba taha, nihakulicwalo, kakuli U sweli wa ba zamaisa sina mo No ezelize linyunywani zenyinyani zani, ni lingu ni likomu. Wena ki wena Mulimu! Ngana yeñwi ye linani ni lifolofolo zani, ye li ziba kuli lina ni kufufela kusili! Mi haiba ngaan, yeli mwa folofolo, ikona ku ilemusa kusaba kozi, kana Moya o Kenile ukona kueza zekuma kai kwa Keleke ye ipulela kutazwa ka Ona!

³⁴⁸ Mulimu, u lu utwele butuku. Lu swalele kamukana luna, Mulena, kwa bufokoli bwaluna. Ha lu tokwi kuyena fa katala fa ni kuli sicaba se siyeme kwa limota, mane mahutu abona aoape, mi ni kuya inge lu bulela kuli, “Kihande, zani liutwahala hande luli.” Mulena, lu bata kueza sika ka zona. Luna, lu bata kuli U tatube lipilu zaluna. Haiba kuna ni se si fosahalile, Mulena, ha lu si zibe cwale. Shangwe usi tuheleli kuli lutahe fa nako yeo, kwabuse, nako ha se ifelile. Ni tatube. Ni like, Mulena.

³⁴⁹ Kina, yo Ni yemi ka sishemo sa Mulimu, ha ni boni Maswayo ani ha mamulwa kafani, ni kutaha ku to bulelela sicaba. Kanti, No bulezi kuli li ka ezahala ka nzila ye, lisunda zefitile. Mi cwale, Ndate, ki Ze fa, fapila luna hande.

³⁵⁰ Cwale, Mulena, ni like. Ni tatube. Ni tatube, mwa pilu yaka. Mulena, ha lu . . . Luna, lu bata kuli U talime mwahala bupilo bwaluna. Mi haiba kuna ni sesiñwi mwateni, se si si ka luka, si bulele fela ku luna, Mulena. Lu bata ku si bakela, ona fa; ona fa, hakunze kuna ni Siliba se si tezi Mali, hakunze kuna ni—ni mulyani okona kukenisa libi zaluna ni kusa lumela. Lu bata kukenya mioyo ya luna mwatasi mwani; ku sa lumela kwa luna kaufela. Mulimu, tusa ku sa lumela kwa luna; ku zwise ku luna, Mulena.

³⁵¹ Lu bata ku amuhela sishemo sa kuungelwa. Lu bata kukona, foo Mushika wa pula wani ha u ta luma kwani, mi Keleke ya ngelwa, lu bata kuba baba itukisize ku yo Li amuhela. Mulena, lumeleza cwalo.

352 Lu like, Mulena, ka Linzwi la Hao. Lu konise kotalima ku Lona.

353 Mi ha lubona kuli lupalezwi, haiba kuna ni bani mo, Mulena, babane ba kolobelizwe ka malumbatina, kusina ze ba ziba, ka kolobezo ya niti, na Ni be ya sephala sina Paulusi, ha naile kwa libaka ze lumbile za likamba la Efese, ha na fumani balutiwa babañiw bene kalumuka, ni kuhuwa, ni kuba ni nako yende, ki ali ku bona, “Kikuli ne mu amuhezi, he, Moya o Kenile nako ye mu lumela?”

Ha ba zibi haiba ku na ni ze cwalo.

Mi ali, “Cwale mu kolobelizwe ka ifi?”

Mi ne ba kolobelizwe ka kanya, ka mupolofita ya kenile, kono ne ba kolobelizwe fela kwa kubaka.

354 Mi se ba kolobezwa sinca, ka Libizo la Jesu Krete. Mi Paulusi aba laela kuli ba kolobezwe, sinca hape.

355 Mulena, mwa Liseli la Linzwi la Hao: Ni laela mutu kaufela, ya sika kolobezwa kale ka Libizo la Mulena Jesu Krete, kuli uakufele kwa mezi, kapili, ha u na ni kolo. Wena ya sika tazwa kale ka Moya o Kenile, Na ku laela, ka Libizo la Mulena Jesu Krete, u we ka mañwele, mi usike wa nanuha konji Moya o Kenile ha u so ku kenisize ni ku kutaza ka lilato la Hae ni bunde, kufitela moyo wa hao u kuliswa Fapila Mulimu kuli takazo ya mina kakutala ki ku sebezwa Yena, ni ku zamaya fapila Hae, ni kuzamaya ni Yena, mwa bupilo bwa mina kaufela bo bu sa taha.

356 Lumeleza cwalo. Na lapela kuli Mulimu amife mata ao, ka Libizo la Jesu Krete.

Na Mu lata, Na Mu lata
Kakuli U ni latile

Kana luli mwa Mu lata? Cwale amu nanule mazoho amina.

Ni kuleka puluso yaka
Fa Kalvari.

357 [Muzwale Branham ukala kuñuñuna pina *Na Mu Lata—Mu.*] Haiba kuna ni babaliteni, baba ikutwa kuli ki swanelo busihu boo, baba ikutwa kuli ba tokwa ku kolobezwa, kamba kutokwa kolobezo ya Moya o Kenile. Wa ziba zo tokwa; li se li patuluzwi ku wena, mi ubata ku hupulwa mwa tapelo. Hakuna neba yomukana wa luna yakona ku kufa Yona. Oh, lu kona fela ku ku kolobeza. Kono, taba yateni fela, halukoni ku mi fa Moya o Kenile. Mulimu ki yena yaezanga cwalo, anosi. Kono u utwile kutokwa kwa hao, kuli Mulimu usweli kuambola kwa pilu ya hao, kuli wa I tokwa, mi ubata kuli lu ku hupule mwa litapelo. Aku yeme, kuli lu ku zibe, lu zibe kuli ki wena ufi? Mulimu ku fuyole. U tokwile? Mulena ku fuyole.

358 Ni sepa kuna ni mwanda kamba mashumi aketalizoho, mwendi, baba yemi mo. Mwendi ki cwalo, haiba Ni kona kubona

kaufela. Ha ni zibi ze li mwa misiyo, ni mwa libaka za fande, ba nanulezi mazoho abona mwahalimu, ni zeñwi cwalo. Kono mu na ni ze mutokwile.

Cwale halu lapeleni.

³⁵⁹ Cwale, mina baba bona batu baba yemi bukaufi ni mina bao. Mi ba yemi ka bupaki, fapila Krete, “Na—Na—Na Ku tokwa, Mulena. Na Ku tokwa. Na—Na sepa Ni—Ni alimuñwi wa baba ka fumana libizo laka busihu boo kwa mulaho wa Liswayo lani kwabuse, lene li beilwe Mwatani ku si ka tomwa kale mutomo wa lifasi. Sesiñwi sa ni taba kwa pilu, mi Ni yemi, Mulena. Kana ki na nji? Kikuli Wani biza nji? Ni bata kuli U i patulule, ku na, libizo la ka Mwani. Ni taze, mi u ni swaye nikene ku Wena, ka Moya o Kenile.” Mina babase ba swailwe kale, Ni bata kuli mu nanuhe. Mu fetuhele ku bona, ni ku ba beya mazoho, mu ba lapelele. [Muzwale Branham wa kutumana—Mu.] Cwale mu sephale mwa niti. [Kopano kaufela ikala kulapela.]

³⁶⁰ Ndate yakwa Lihalimu, ka Libizo la Mulena Jesu, lumeleza Moya o Kenile omutuna uzamaye fa sicaba se, sina moya omata ofuka, mi ubize pilu kaufela mo, Mulena. Mi ulume kolobezo ya Moya o Kenile, fahalimwa sicaba se.

Mi kuna ni mezi a libelezi.

³⁶¹ “Pitrosi na sa bulela litaba zeo, Moya o Kenile ha u tulukela fahalimwa batu kamukana ba ba utwa Linzwi, mi kaufela ba tala Moya o Kenile.”

[Kopano kaufela izwelapili kulapela—Mu.]



LISWAYO LA BUBELI LOZ63-0319
(The Second Seal)

MUKOLOKO WA SINULO YA MASWAYO ASUPA

Liñusa le ka Muzwale William Marrion Branham, neli kotalizwe lwa pili mwa Sikuwa la Bubeli manzibwana, Liatamanyi 19, 1963, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org